

四庫全書

史部

欽定四庫全書

史部

唐六典卷二

詳校官監察御史_臣劉芬

編修_臣程嘉謨覆勘

總校官庶吉士_臣倉聖脉

校對官檢討_臣龔大萬

謄錄監生_臣汪志伊

欽定四庫全書

史部十二

唐六典

職官類一官制之屬

提要

臣等謹案唐六典三十卷舊本題開元御撰
李林甫奉勅注其書以三師三公三省九寺
五監十二衛列其職司官佐敘其品秩以擬
周禮書錄解題引韋述集賢記注曰開元十
年起居舍人陸堅被旨修是書帝手寫白麻

紙六條曰理教禮政刑事令以類相從撰錄以進張說以其事委徐堅思之經歲莫能定又委毋臯余欽韋述始以令式入六司其沿革並入注中後張九齡又委苑咸二十六年奏草上迄今在書院亦不行用范祖禹唐鑑亦曰既有太尉司徒司空又有尚書省是政出於二也既有尚書省又有九寺是政出於三也蓋自唐虞至周有六官而無寺監自秦

迄陳有寺監而無六官獨此書兼之故官多
重複今考是書如林甫注中以諸州祥瑞預
立條格以待奏報之類誠為可嗤然一代典
章釐然具備觀王溥會要所載請事者往往
援據韋述謂不施行未必實錄祖禹之論則
疑以元豐官制全用是書有激而言亦非定
論也又會要載開元二十三年九齡等撰是
書而唐書載九齡以開元二十四年罷知政

事則書成時九齡猶在位後至二十七年林甫乃注成獨上之宋陳騭館閣錄載書局有經修經進經修不經進經進不經修三格說與九齡蓋所謂經修不經進者卷首獨著林甫未為至公今仍改題九齡名以從其實舊本如是今亦姑仍之耳乾隆四十三年六月恭校上

總纂官_臣紀昀_臣陸錫熊_臣孫士毅

總校官 臣 陸費墀

欽定四庫全書

唐六典卷一

唐

張九齡等撰

三師三公尚書都省

三師

太師一人

太傅一人

太保一人

三公

太尉一人

司徒一人

司空一人

尚書省

令一人

左丞相一人

右丞相一人

左丞一人

右丞一人

左司郎中一人

右司郎中一人

左司員外郎一人

右司員外郎一人

都事六人

主事六人

令史十八人

書令史三十六人

亭長六人

掌固十四人

太師一人正一品

太傅一人正一品

太保一人正一品

尚書云成王既黜殷命滅淮夷歸鄴作周官立太師太傅太保茲爲三公

論道經邦變理陰陽孔安國曰師天子所師法傅傳相天子保保安天子於德義禮記云設四輔及三公不必備惟其人言使能也漢承秦制不置三公漢末以大司馬大司徒大司空爲三公師傅之官在三公上後漢因

之師傳尊號曰上公置府僚魏晉江左皆然後魏太師
太傅太保尊號曰三師後周又為三公隋氏又為三師
皇朝因之漢書云太師太傅太保皆古官金印紫綬漢
官儀云俸月三百五十斛齊職儀云品第一金章紫綬
進賢三梁冠絳朝服佩山玄玉周武王以太公為太師
詩云維師尚父時維鷹揚成王以周召為之書云召公
為保周公為師相成王為左右漢高后元年置太傅以
右丞相王陵為之後省八年復置尋省哀帝元壽二年
復置平帝元始元年置太師太保孔光以太傅遷太師
王舜以車騎將軍為太保王莽以大司馬領太傅又置
少傅為四輔莽篡位以太傅太保國師國將為四輔馬
漢光武唯置太傅有府自辟僚屬以卓茂為之明帝以
鄧禹為之章安已下初即位輒置錄尚書事其人亡
因罷迄漢末獻帝初平二年董卓自為之魏氏以鍾
繇司馬孚為太傅鄭冲為太保太師不見其人晉以
宣王名師乃依周官名置太宰以代之武帝以安平

王孚為太宰鄭冲為太傅王祥為太保江左太師並因名為太宰梁制十八建班多者為貴上公班第十八秩萬石陳以為贈官後魏三師正一品非勲德崇重不居焉北齊因之後周依周官以太師太傅太保為三公不置府僚隋氏依後魏為三師因後周不置府僚初拜於尚書省上煬帝三年廢三師官皇朝復置儀制依隋氏

三師訓導之官也其名即周之三公漢哀平間始尊師傅之位在三公上謂之上公明雖天子必有所師其後或廢或置大抵無所統職至後魏特稱三師以正其名然非道德崇重則不居其位無其人則闕之故近代多

以爲贈官皇朝因之其或親王拜者但存其名耳

太尉一人正一品

月令云命太尉贊桀俊漢書百官表云太尉秦官應劭曰自上安下曰尉

齊職儀云太尉品第一金章紫綬進賢三梁冠絳朝服佩山玄玉郊廟免服七旒玄衣纁裳服七章春秋合成圖云堯坐舟中與太尉舜臨觀鳳皇授圖運斗樞云舜以太尉爲天子然緯書通人皆疑其僞故班氏所不取而大國亦有其職漢初或置或省盧綰周勃灌嬰周亞夫田蚡並爲之武帝元狩四年置大司馬當太尉之職至後漢建武二十七年省大司馬又置太尉以太僕趙憙爲之而與司徒司空爲三公靈帝末劉虞爲大司馬而太尉如故二職始兩置矣漢制三公府分部九卿太尉所部太常衛尉光祿三卿三公並置官屬俸月三百五十斛獻帝建安十三年省三公官置丞相魏初又置而無置大司馬晉以司馬望爲太尉歷宋齊梁陳後魏

北齊並為三公置府僚宋有大將軍則不置太尉齊以大司馬為贈官梁氏三公加秩至萬石班第十八陳正第一品而與大司馬兩置後魏有大將軍不置太尉正光已後又並置之隋置太尉司徒司空為三公正一品置府僚尋省府僚置公則於尚書省上皇朝因焉武德初秦王燕之永徽中長孫無忌為之其後親王拜三公者皆不視事祭禮則攝者行焉

司徒一人正一品

左傳云昔少昊氏以鳥名官祝鳩氏為司徒尚書舜命契曰百姓不親五

品不遜汝作司徒敬敷五教在寬周則為卿官書云卿事司徒司空司馬又云司徒掌邦教敷五典擾兆人秦置丞相省司徒漢因之至哀帝元壽二年更名大司徒與大司馬大司空為三公建武元年以前將軍鄧禹為大司徒二十七年朱祐議契作司徒禹作司空並無大字遂下二府去焉漢制司徒所部太僕鴻臚廷尉三卿

漢末罷三公置丞相魏罷丞相置三公以華歆為司徒
晉以何曾為司徒趙王倫篡位以梁王彤為丞相省司
徒彤還復舊永嘉元年王夷甫為司徒東海王珣為丞
相則始兩置矣成帝以王導為丞相以司徒府為丞相
府導薨復舊宋有丞相又置司徒齊以丞相為贈官梁
又兩置陳氏以丞相為贈官後魏正光之後復兩置北
齊廢丞相乾明中又兩置後周並廢隋廢丞相
置司徒皇朝因之歷代品秩章服皆同太尉

司空一人正一品

左傳云少昊以鳴鳩氏為司空尚書
舜命禹汝作司空平水土惟時懋哉

孔安國曰司空主空土以居人按空穴也古者穴居周
以司空為冬官掌邦事秦置御史大夫省司空漢因之
至成帝綏和元年御史大夫何武建議依古置三公官
改御史大夫為大司空時議者以縣道官獄有司空故
加大字以別之哀帝建平二年朱博建議古之帝王不
必相襲五年罷大司空置御史大夫元壽元年復為大

司空故與御史大夫不兩置建武元年用識言以野王
令王梁為大司空二十七年以朱祐議去大字獻帝建
安十二年又省司空置御史大夫漢制司空所部宗正
少府司農三卿魏省御史大夫置司空景初二年以司
隸校尉崔林為司空晉以荀顗為司空歷宋齊梁陳後
魏北齊皆省御史大夫置司空後周二職並廢隋氏韓
忠以御史中丞之職為大夫故又
置司空品職並同太尉皇朝因之

三公論道之官也蓋以佐天子理陰陽平邦國無所不
統故不以一職名其官然周漢已來代存其任自隋文
帝罷三公府僚皇朝因之其或親王拜者亦但存其名
位耳

尚書都省

尚書令一人正二品

秦置尚書有令丞屬少府漢因之武昭後置缺重漢書云宣帝時任用

中書宦官元帝時弘恭石顯相繼爲中書令元帝被疾不親政事遂委任焉及前將軍蕭望之頗尚書事知顯專權邪辟建言以爲中書百官之本國家樞機宜以通明公正之士處之武帝遊燕後庭故委用宦者非古制也宜罷中尚書官中尚書謂中書及尚書也中書與尚書奏事故連言之及光武親總吏職權歸尚書三公但受成事而已漢官儀云尚書令主贊奏事總典綱紀無所不統秩千石故公爲之者朝會不陞奏事增秩二千石天子所服五時衣賜尚書令僕射其三公列卿將軍大夫五營校尉行複道中遇尚書令僕射左右丞相郎皆迴車豫避衛士傳呼不得迕臺官臺官過乃得去每朝會尚書令御史中丞司隸校尉各獨座故京師號曰三獨

唐晉氏尚書令假銅印墨綬冠進賢兩梁納言幘五時朝服佩水蒼玉受拜則策命之以在端右故也及賈充為尚書令以目疾表置省事吏四人自魏至晉宋齊秩皆千石品並第三梁加秩中二千石班第十六陳加品至第一後魏北齊及隋品皆第二皇朝因之服鷩冕八旒七章三梁冠後漢以尚書令僕射及六曹尚書為八座魏氏省為五曹則僕射有二若僕射省一則尚書有六率以為常今則以二丞相六尚書為八座然後漢尚書稱臺魏晉已來為省皇朝因之龍朔二年改為中臺咸亨元年復舊光宅元年改為文昌臺長安三年又為中臺神龍初復舊

尚書令掌總領百官儀刑端揆其屬有六尚書法周之六卿一曰吏部二曰戶部三曰禮部四曰兵部五曰刑

部六曰工部凡庶務皆會而決之初秦變周法天下之事皆決丞相府置尚書於禁中有令丞掌通章奏而已漢初因之武宣之後稍以委任及光武親總吏職天下事皆上尚書與人主參決乃下三府尚書令為端揆之官魏晉以來其任尤重皇朝武德中太宗初為秦王嘗親其職自是闕不復置其國政樞密皆委中書八座之官但受其成事而已

自太師已下皆古宰相之職今不常置故備叙之

尚書左丞相一人右丞相一人並從二品

左右丞相本左右僕射也

漢書百官表云僕射秦官自侍中尚書博士郎皆有僕射古者重武官有主射以督課因所領之職以為號若尚書則曰尚書僕射漢因秦後漢建安四年以執金吾榮邵為尚書左僕射分置左右蓋自此始漢官儀僕射秩六百石公為之加至二千石自晉以後給省事吏三人魏晉宋齊秩皆六百石品並第三梁品猶第三秩中二千石班第十五陳品加至第二後魏北齊及隋品皆從第二自魏晉以來置二則為左右僕射或不兩置但曰尚書僕射宋百官階次云尚書僕射勝右減左望在二者之間僕射職為執法置二則曰左右執法又與列曹尚書分領諸曹郎令闕則左僕射為省主自東晉以來祠部尚書多不置以右僕射主之若左右僕射並闕則置尚書僕射以掌左事置祠部尚書以掌右事然則尚書僕射祠部尚書不常置矣隋置左右僕射從二品皇朝因之自漢以來章服並與令同龍朔二年改為左右匡政咸亨元年復為僕射光宅元年更名左右相神

龍元年復為僕射開
元初改為左右丞相

左右丞相掌總領六官紀綱百揆以貳令之職令則專

統馬

初亦宰相之職也開元中張說兼之罷知政猶為丞相自此以後遂不知國政

左丞一人正四品上右丞一人正四品下

司馬彪續漢書云尚書丞

一人秦所置漢因之至成帝建始四年置列曹尚書更置丞四人至光武減其二惟置左右丞各一人丞者承也言承助令僕總理臺事也然漢列曹尚書四人成帝加至五人彪言成帝置列曹尚書恐誤也漢官儀云尚書令左丞總領綱紀無所不統僕射右丞掌庫假錢穀晉傅咸云左丞得奏彈八座魏晉已來左丞主臺內禁令宗廟祠祀朝儀禮制選用置吏糾諸不法無所迴避右丞掌庫藏廬舍凡諸器用之物刑獄兵器然則右丞

於左其來尚矣魏晉宋已來左右丞銅印黃綬絳朝服
進賢一梁冠自魏至宋齊品皆第六秩四百石梁左丞
班第九右丞班第八並第四品秩六百石陳因之後魏
北齊左丞正四品下右丞從四品上隋初左丞從四品
上右丞從四品下煬帝左右丞並正四品皇朝左丞正四
品上右丞正四品下服絳冕六旒三章兩梁冠龍朔二
年改為左右肅機咸亨元年復為左右
丞永昌元年為從三品神龍二年復故

左右丞掌管轄省事紀舉憲章以辨六官之儀制而正
百僚之文法分而視焉

若左闕則右兼知其事右闕則左
亦如之若御史有紀劾不當兼得

彈奏

左司郎中一人右司郎中一人並從五品上

尚書郎漢
初置四人

一人主匈奴單于營部一人主羌夷吏民一人主戶口壘
田一人主財帛委輸光武分尚書為六曹郎合三十四郎
而史闕曹名魏有殿中吏部駕部金部虞曹比部南主客
祠部度支庫部農部水部儀曹三公倉部民曹二十石中
兵外兵別兵都兵考功定課都官騎兵凡二十五曹郎晉
氏又加直事屯田起部車部左士右士運曹其民曹中兵
外兵分為左右主客又分為左右南北無農部定課考功
凡三十五曹置郎二十三人更相統攝東晉置殿中祠部
吏部儀曹三公比部金部倉部度支都官左民駕部庫部
中兵外兵十五曹宋高祖加騎兵主客起部水部合為十
九曹元嘉以後又增刪定功論二曹而省騎兵凡二十曹
郎齊因之梁加騎兵虞曹屯田合二十三曹陳省梁二曹
不知省何曹也後魏有三十六郎史闕曹名北齊有吏部
考功主爵殿中儀曹三公駕部祠部主客虞曹屯田起部
左中兵左外兵右中兵右外兵都部兵都官二千石比部
水部膳部度支倉部左民右民金部庫部二十八曹郎隋

開皇初有吏部主爵司勳考功禮部祠部主客膳部兵部
職方駕部庫部都官刑部比部司門度支部戶部金部倉部
工部屯田虞部水部二十四曹郎三年以刑部領都官民
部領度支煬帝改六曹具於本司至龍朔二年改吏部為
司列主爵為司封考功為司績禮部為司禮祠部為司
裡膳部為司膳主客為司藩戶部為司戶度支為司度
倉部為司庾金部為司珍兵部為司戎職方為司城駕
部為司輿庫部為司庫刑部為司刑都官為司僕比部
為司計工部為司平屯田為司田虞部為司虞水部為
司川惟司勳司門依舊咸亨元年復故漢書天文志南
宮後聚十五星曰哀鳥郎位漢明帝時館陶公主為子
求郎不許而賜錢千萬謂羣臣曰郎官上應列宿出
宰百里非其人則民受其殃漢制尚書郎主作文書起
草更直於建禮門內臺給青練白綾被或以錦被帷帳
毡褥通中枕大官供食物湯官供餅餌五熟果食五
日一美食下天子一等給尚書郎侍史二人女侍史二

人皆選端正執香爐香囊從入臺簾衣服奏事建禮門
內得神仙門神仙門內得明光殿神仙殿因得省中省
中皆胡粉塗壁畫古賢列女以丹漆地謂之丹墀尚書
郎握蘭含鷄舌香奏事與黃門侍郎對揖黃門侍郎稱
已聞乃出丞郎月賜赤管大筆一雙隄廡墨一枚御史
中丞侍御史行複道中遇尚書丞郎皆避車執版住揖
丞郎坐車舉手禮之車過乃去及晉宋齊梁尚書官上
朝及下禁斷行人猶其制也漢官儀丞郎見令僕射執
板拜朝賀對揖丞郎見尚書執板對揖稱曰明時郎見
左右丞對揖呼曰左右君漢制八座丞郎初拜並集都
堂交禮遷職又解交至宋已後惟八座解交而丞郎不解
交也自晉已後八座及丞郎多不奏事梁武帝天監初
詔曰自禮闈陵替歷茲永久郎署備員無取職事執隸
文案貴尚虛閒空有趨墀之名了無握蘭之實曹郎可
依昔奏事自是始奏事矣初秦置郎中令其屬官有五
官中郎將左右中郎將秩皆二千石是為三署署中有

中郎侍郎郎中郎中秩比三百石侍郎秩比四百石中郎秩比六百石並無員數多至千人分隸三署主執戟宿衛宮殿門出充車騎漢因之故馮唐為郎中署長楊雄為侍郎並其任也漢官云尚書郎初從三署郎選詣尚書臺試每一郎缺則試五人先試殿奏初入臺稱郎中滿歲稱侍郎視事五年遷大縣令亦參用孝廉為之其郎中侍郎之名皆因三署舊號也客曹郎主胡羌事劇遽二千石或刺史其次遷為縣令秩滿自占縣詔書賜錢三萬與三臺祖餞然漢言郎者多非尚書郎漢文時直不疑買金償同舍郎漢武時顏驄為郎三代不遷及諸言以貲為郎父任為郎兄任為郎皆三署郎也至後漢三署猶難分有尚書及曹名冠首者即尚書郎也魏二晉以後無三署郎矣自漢以來尚書諸曹並通謂之尚書郎漢代兩置其職則同魏晉宋齊惟置郎中梁陳兩置後魏北齊惟置郎中隋開皇初惟置侍郎至開皇六年每司各置員外郎煬帝三年改諸曹侍郎但曰

郎每曹各置二郎尋又省一郎置承務郎同開皇員外
之職皇朝改郎為郎中又每曹置員外郎按左右司郎
中前代不置煬帝三年尚書都司始置左右司郎各一
人品同諸曹郎從五品掌都省之職皇朝因改曰郎中
至龍朔二年改為左右承務咸亨元年復故其服章與
諸司郎中並同玄冕五旒衣無章裳刺黻一章兩梁冠
左司員外郎一人右司員外郎一人並從六品上

天后永昌

元年置時顧琮自侍御史除元懷貞以洛州司戶遷神
龍元年省二年又置其職務與郎中分掌其朝服與諸
司員外郎並爵弁玄纓

替導青衣纁裳一梁冠

都事六人從七品上

都事本尚書都令史之職沈約宋書云今史蓋前漢官也史記趙禹

補中都官周康為令史是也華嶠後漢書韋彪上疏曰有楚獄事繁故置尚書令史以助郎又云郎主文案與

今史不殊續漢書尚書置令史十八人後增劇曹三人合二十一人漢官儀云能通倉頡史籀篇補蘭臺令史滿歲補尚書令史滿歲為尚書郎出亦與郎同牢百里郎與令史分職受事令史見僕射尚書執版拜見丞郎執版揖齊職儀云自魏晉宋齊正令史書令史皆有品秩朱衣執版進賢一梁冠楊楞伽北齊鄴都故事云尚書郎判事正坐都令史側坐書令史過事洛京鄴都令史皆平揖郎由來無拜吏部郎選試高第及二書者奏補皆加戎號衆歷代令史皆有品秩漢尚書臺令史秩二百石魏氏令史皆八品晉百官公卿表云尚書都令史八人秩二百石與左右丞總知都臺事宋齊八人梁陳五人品並第八梁武天監初制曰尚書五都職衆政要非但總領衆局亦乃方軌二丞頃雖求材未臻妙簡可韋用士流每盡時彥庶同持領秉此羣目於是以太學博士劉納司空法曹參軍劉顯太學博士孔虔孫司空法曹參軍蕭軌宣毅墨曹參軍王顯並以才地兼美首

膺茲選矣隋開皇初改都令史為都事置八人正八品上皇朝置六人自晉宋齊後魏北齊隋都令史置八者當八座之數梁陳置五者南朝多不置祠部尚書當五曹之數皇朝置六者當六曹之數

左右司郎中員外郎各掌付十有二司之事以舉正稽

違省署符目都事監而受焉凡都省掌舉諸司之綱紀

與其百僚之程式以正邦理以宣邦教凡上之所以逮

下其制有六曰制敕冊令教符

天子曰制曰敕曰冊皇太子曰令親王公主曰

教尚書省下於州州下於縣縣下於鄉皆曰符

凡下之所以達上其制亦有六

曰表狀牋啓辭牒

表上於天子其近臣亦為狀牋啓於皇太子然於其長亦為之非公文所

施九品已上公文諸司自相質問其義有三曰關刺移

皆曰牒庶人曰辭關謂關通其事刺謂刺舉之移謂移其事於他司移則通判之官皆連署凡內外百司所受

之事皆印其發日爲之程限一日受二日報其事速及送囚徒隨

至即小事五日謂不須檢覆者中事十日謂須檢覆前案及有所勘問者大事

二十日謂計算大簿帳及須諮詢者獄案三十日謂徒已上辨定須斷結者其急

務者不與焉小事判句經三人已下者給一日四人已

上給二日中事每經一人給二日大事各加一日內外

諸司咸率此若有事速及限內可了者不在此例其凡文書受付日及凱囚徒並不在程限凡

尚書省施行制敕案成則給以鈔之

通計符移關牒二百紙已下限二日

過此以往每二百紙已上加二日所加多者不得過五日

若軍務急速者不出其日

若諸州計奏達于京師量事之大小與多少以爲之節

二十條以上二日倍之三日又倍之四日又倍之五日

雖多不是過焉凡制敕施行京師諸司有符移關牒下

諸州者必由於都省以遣之

若在京差使者令使人於都省受道次符牒然後發

遣若諸方使人欲還亦令所由司先報尚書省所有符牒並令受送

凡文案既成勾司行

朱訖皆書其上端記年月日納諸庫凡施行公文應印

者監印之官考其事目無或差繆然後印之必書於厯

每月終納諸庫

其印每至夜在京諸司付直官長在外者送當處長官掌

凡尚書省

官每日一人宿直都司執直簿一轉以爲次

凡諸司長官應通判

者及上佐縣令皆不直也

凡內外百僚日出而視事既午而退有事

則直官省之其務繁不在此例凡天下制敕計奏之數

省符宣告之節率以歲終爲斷京師諸司皆以四月一

日納于都省其天下諸州則本司推校以授勾官勾官

審之連署封印附計帳使納于都省常以六月一日都

事集諸司令史對覆若有隱漏不同皆附于考課焉

主事六人從九品上

漢官云光祿勳有南北廬主事三署主事於諸郎之中察茂才高第

者爲之秩四百石次補尚書郎出宰百里謝承後漢書胡伯蕃范滂公沙穆並以俊才爲孝廉除郎中光祿勳主事後魏尚書吏部儀曹三公廡曹都官二千石比部各量事置掌故主事員門下置主事令史並從八品上隋初諸臺省並置主事令史煬帝二年並去令史之名其主事隨曹閒劇而置每十令史置一主事不滿十者亦置一人雜用才術之士顏慤楚文學名家爲內史主事其後尋罷之皇朝並用流外入流者補之

令史十八人書令史三十六人

自魏晉以來令史之任用人常輕梁陳後魏北

齊雖預品秩益闕

降始自平隋開皇初

著令有流外勳品二品三品四品五品六品七品八品

九品之差皇朝因之諸臺閣
史書令史並分抄行署文書閣

尚書都省令
十錢給

三口糧國初限八考已上入流若

上並入流為職事初隋氏草選令令史能得官者甚少年
限亦賒武德初天下始定京師穀價貴遠人不願仕流外
調諸州佐史及朝集典充選不獲已相資而為之遂促年
限優其叙次六七年有至本司主事及
上縣尉者每府史三考令史兩考署職

亭長六人

漢因秦制每十里一亭亭有長高祖為泗上
亭長隋文帝始抹古亭長之名以為流外之

號皇朝因之主守
省門通傳禁約

掌固十四人

史記云郡國有好文學敬長上肅政教順
鄉里者詣太常受業如博士弟子課能通

一藝已上補文學掌固又東方朔云魯不得掌故安敢
望侍郎乎掌故主故事也史漢本亦為此固字隋令稱

掌事皇朝稱掌固主守掌倉庫及廳事鋪設職與古殊
與亭長皆為番上下通謂之番官轉入府史從府史轉
入令史選轉皆試判

唐六典卷一

欽定四庫全書

唐六典卷二

唐 張九齡等 撰

尚書吏部

吏部尚書一人

侍郎二人

郎中二人

員外郎二人

主事四人

令史三十人

書令史六十人

亭長八人

掌固十三人

司封郎中一人

員外郎一人

主事二人

令史四人

書令史九人

掌固四人

司勲郎中一人

員外郎二人

主事四人

令史三十三人

書令史六十七人

掌固四人

考功郎中一人

員外郎一人

主事三人

令史十五人

書令史三十人

掌固四人

吏部尚書一人正三品

周之天官卿也漢舊儀云尚書四人為四曹一曰常侍曹二曰

二千石曹三曰民曹四曰客曹成帝增置三公曹為五曹其常侍曹主丞相御史公卿事後漢光武又分為六

曹常侍曹為吏曹主選舉齊祀事漢末又改吏部為選部專掌選舉事靈帝以梁鵠為選部尚書魏改選部為吏部歷晉至宋孝武大明二年置二吏部尚書廢五兵尚書尋復舊名齊梁陳後魏北齊皆曰吏部尚書後周依周官置大冢宰卿一人七命隋復曰吏部尚書然此官歷代班序常尊不與諸曹同也漢官儀尚書秩五百石次補二千石晉令吏部尚書五時朝服納言幘進賢兩梁冠佩水蒼玉乘軺車宅輪袁子正書曰尚書佩契刀囊執版加簪筆焉自魏至梁並第三品梁秩加至中二千石後定十八班班多為貴吏部尚書班第十四諸曹尚書班第十三陳梁隋吏部尚書並正第三品皇朝因之掌文官選舉龍朔二年改為司列大常伯咸亨元年復為吏部尚書光宅元年改為天官尚書神龍元年復故

侍郎二人正四品上

周之天官小宰中大夫也漢已來尚書侍郎今郎中之任也後周依

周官隋煬帝三年尚書六曹吏部禮部兵部刑部民部
工部各置侍郎一人以貳尚書之職並正第四品皇朝
諸曹侍郎降為正四品下惟吏部侍郎為正四品上龍
朔二年改為司列少常伯咸亨元年復為吏部侍郎總
章元年與兵部各增一員
光宅神龍並隨曹改復

吏部尚書侍郎之職掌天下官吏選授勲封考課之政
令凡職官銓綜之典封爵策勲之制權衡殿最之法悉
以咨之其屬有四一曰吏部二曰司封三曰司勲四曰
考功尚書侍郎總其職務而奉行其制命凡中外百司之
事由於所屬皆質正焉凡選授之制每歲孟冬以三旬

會其人去王城五百里之內集於上旬千里之內集於中甸千里之外集於下旬以三銓分其選一曰尚書銓

二曰中銓三曰東銓以四事擇其良一曰身二曰言三

曰書四曰判

每試判之日皆平明集於試場試官親送侍郎出問目試判兩道或有名學士考為

等第或有試雜文以收其俊人

以三類觀其異一曰德行二曰才用三

曰勞効德鈞以才才鈞以勞其優者擢而升之否則量以退焉所以正權衡與奪抑貪冒進賢能也然後據其狀以覈之量其資以擬之五品已上以名聞送中書門

下聽制授焉六品已下常參之官量資注定其才識頗高可擢為拾遺補闕監察御史者亦以名送中書門下聽勅授焉其餘則各量資注擬若都畿清望歷職三任經十考已上者得隔路授之不然則否

謂監察御史左右拾遺大理評

事畿縣丞簿尉三任十考已上有隔品授者

凡出身非清流者不注清資之

官謂從流外及視品出身者其中書主書門下錄事尚書都事歷任考詞使狀有清幹及德行言語兼書判

吏用經十六考已上者聽擬寺監丞左右衛及金吾長史

凡注官皆對面唱示若官

資未相當及以為非便者聽至三注三注不伏注至冬

檢舊判注擬凡伎術之官皆本司銓注訖吏部承以附

甲馬

謂秘書殿中太僕寺等伎術之官唯得本司遷轉不得外叙若本司無闕者聽授散官有闕先授若

再經考滿者亦聽外叙

凡同司聯事及勾檢之官皆不得注大功

已上親凡皇親及諸軍功兼注員外官

其內外員外各官及檢試官本

司長官量閏劇取素歷清正舊人分判曹事自外則不判若長官及別駕長史司馬等官則不在此例凡

任官階卑而擬高則曰守階高而擬卑則曰行凡三銓

注擬訖皆當銓團甲以過左右丞相若中銓東銓則亦

先過尚書訖乃上門下省給事中讀黃門侍郎省侍中

審然後進甲以聞

若尚書丞相門下批官不當者則改注亦有重執而上者

凡大選

終季春之月

若有選人身在軍旅則軍中試書判封送吏部而注擬亦或春中不解而後集謂之

春選若優勞人有勅却與處分及即與官者並聽非時選一百日內注擬畢

所以定九流之

品格補萬方之闕政官人之道備焉

郎中二人從五品上

周官太宰屬官有下大夫蓋郎中之任也秦有郎中以其次為郎侍衛

居中故曰郎中漢選尚書郎初從三署郎次補之初入尚書臺稱郎中滿歲稱侍郎故郎中之名猶因三署舊號也按吏部郎中後漢置之職在選舉魏晉用人妙於時選若其諸曹郎功高者選為吏部郎其吏部郎歷代品秩皆高於諸曹郎魏晉來晉吏部郎品第五諸曹郎第六梁吏部郎品第四班第六上諸曹郎班第十陳因

梁後魏北齊吏部郎品正第四上諸曹班品正第六上
後周依周官隋初二十四司並為侍郎品從第五煬帝
三年置六司侍郎諸曹侍郎並改為郎又改吏部為選
部郎異於六侍郎之名皇朝為吏部郎中龍朔二年改
為司業大夫咸亨光
宅神龍並隨曹改復

員外郎二人從六品上

周官太宰屬官有上士蓋今員外郎之任也宋百官階次有員

外郎美遷為尚書郎後周依周官隋文帝開皇六年尚
書二十四司各置員外郎一人品從第六謂曹郎本員
之外復置郎也煬帝三年又廢二十四司員外郎每司
減一郎置承務郎一人同開皇員外郎之職曰選郎承
務郎一人皇朝尚書諸曹各置員外郎吏部
置二人龍朔咸亨光宅神龍並隨曹改復

主事四人從八品下

隋煬帝初置為從九品下
開元二十四年升為八品

郎中一人掌考天下文吏之班秩品命凡叙階二十九

從一品曰開府儀同三司

後漢殤帝延平元年鄧騭為車騎將軍儀同三司儀同之

名自此始也又呂布有正董卓之勲開府如三司魏黃初三年黃權為車騎將軍開府儀同三司開府之名自此始也其品第一梁班第十七陳氏秩萬石北齊從一品後周置上開府儀同三司開府儀同三司上儀同三司儀同三司等十一號以酬勤勞隋氏因之皇朝初惟置開府儀同三司為散官品

正二品曰特進

兩漢及魏晉以為加官從本官服無吏辛品第二位次諸公下在開府驃騎上

進賢兩梁冠黑介幘五時朝服無章綬又漢朝雜事云諸侯功德優盛朝廷所敬異有賜位特進在三公下平冕玄衣侍祠郊廟宋百官階次江左皆無官晉傳咸奏特進品第二執皮帛坐侍臣之下梁班第十七北齊特

進第二品隋特進為正二品散官皇朝因之從二品曰光祿大夫

秦郎中令屬官有中

大夫漢氏因之武帝太初元年更名光祿大夫秩比二千石掌論議無員後漢因之自魏以來諸公卿告老多加其位晉太始初分為左右光祿大夫皆無員若致仕又給六尺牀帳簾褥宋氏因之齊光祿勳府有左右光祿大夫皆銀章青綬若加金章紫綬者為金紫光祿大夫王晏乞一片金乃啓轉金紫梁陳並因之光祿大夫十三班後魏左右光祿大夫從第一品太和二十六年第二品北齊因之後周左右光祿大夫正二品隋為正一品散官煬帝改光祿大夫為從一品左右光祿大夫正二品右光祿大夫從二品皇朝初猶有左右之名貞觀之後唯有正三品曰金紫光祿大夫

本兩漢光祿大夫也至魏晉有加金

章紫綬者則謂為金紫光祿大夫晉則金紫銀青左右四職並置假金章紫綬及加金章紫綬並秩第二祿賜

班位冠幘車服佩玉及諸所賜給皆與特進同自晉已後皆為兼官少有正授梁金紫光祿大夫為第十四班陳為中二千石北齊從二品隋氏因為散官煬帝為正三品皇朝因之從三品曰銀青光

祿大夫

本末與金紫同晉有銀青光祿大夫王翹之宋齊之後或置或省梁陳無職北齊三品隋正三

品散官煬帝改為從三品皇朝因之然而加金章青綬及銀章青綬則尊崇之合居光祿之上隋氏定今誤遂

因仍不改正四品上曰正議大夫

隋煬帝置為正四品散官蓋取秦大夫官論議故置

正議通議之名

正四品下曰通議大夫

隋煬帝置正四品

從四品上曰

太中大夫

秦太中大夫秩比千石掌論議漢氏因之梁班第十一秩千石北齊從第三品皇朝為散

官從四品下曰中大夫

秦置中大夫漢武帝太初元年改為光祿大夫北齊中大夫第

四品皇朝

正五品上曰中散大夫

後漢有中散大夫六百石無員魏晉因之

齊職儀品第七絳朝服進賢一梁冠

正五品下曰朝議

大夫

漢班固儀大夫以上得奉朝議則其義也

從五品上

曰朝請大夫

漢諸將軍公卿年高德重者得以列侯就第特進奉朝請則其義也

大夫為正

從五品下曰朝散大夫

隋文帝置朝散大夫為正四品散官煬帝

改為從

正六品上曰朝議郎

宋齊梁陳後魏北齊諸九品散官皆以將軍為品秩

謂之加戎號隋開皇六年始置六品已下散官並以郎為正階尉為從階正六品上為朝議郎下為武騎尉從

六品上為通議郎下為屯騎尉正七品上為朝請郎下為號騎尉從七品上為朝散郎下為游騎尉正八品上

為給事郎下為飛騎尉從八品上為承奉郎下為旅騎尉正九品上為儒林郎下為雲騎尉從九品上為文林郎下為羽騎尉煬帝又置八郎八尉六品置建節尉舊武尉七品置宣惠尉綾德尉八品置懷仁尉守義尉九品置奉誠尉立信尉並為正從又六品置承議郎通直郎七品置宣德郎朝散郎八品置登仕郎將仕郎九品置常從郎奉信郎亦為正從皇朝以郎為文職尉正六為武職遂採開皇大業之制以為六品已下散官

品下曰承議郎

隋煬帝置為正六品

從六品上曰奉議郎

隋文帝置通議

郎皇朝

從六品下曰通直郎

晉宋以來諸官皆有通直蓋謂官有高下而得通為

宿直者隋煬帝置通直郎三十人從六品

正七品上曰朝請郎

晉宋齊梁陳並有奉朝請

員正七品下曰宣德郎

隋煬帝置宣德郎三十人正七品

從七品上曰

朝散郎

隋文帝置

從七品下曰宣議郎

梁有宣議將軍隋文帝置游騎尉皇朝改

馬

正八品上曰給事郎

隋文帝置

正八品下曰徵事郎

隋煬帝置

從八品上曰承奉郎

隋文帝置

從八品下曰承務郎

隋煬帝尚書二

十四司各置承務郎一人類今尚書員外郎也皇朝因其名而置

正九品上曰儒林郎

前史各有儒林傳取其義也

正九品下曰登仕郎從九品上曰文林

郎

北齊置文林館徵文學之士以充之取其義也

從九品下曰將仕郎凡散官

四品已下九品已上並於吏部當番上下

其應當番四十五日若都

省須使人送符及諸司須使人者並取兵部吏部散官上經兩番已上聽簡入選不第者依番多不過六也

凡叙階之法有以封爵

謂嗣王郡王初出身從四品下叙親王諸子封郡王者從五品

上國公正六品上縣公從六品上侯及伯有以親戚

謂

子男並通降一等若兩應叙者從高叙也

親總麻以上及皇太后周親正六品上叙皇太后大功

親皇后周親從六品上皇祖免親皇太后小功總麻皇

后大功親正七品上皇后小功總麻親皇太子妃周親

從七品上其外戚各依本服降二等叙娶郡主正六品

上娶縣主正七品上郡主出身有以勲庸

謂上柱國正六品上

叙柱國已下每降一等至騎都尉從七品下驍騎

尉飛騎尉正九品上雲騎尉武騎尉從九品上有以

資蔭

謂一品子正七品上叙從三品子遞降一等四品五品有正從之差亦遞降一等從五品子從八品

下叙國公子亦從八品下三品已上蔭曾孫五品已上蔭孫降子一等曾孫降孫一等贈官降正官一等散

官同職事若三品帶勳官者即依勳官品同職事蔭四品降一等五品降二等郡縣公子准從五品孫縣男已

上子降一等勳官二品子又降一等二王後子孫準正三品蔭有以秀孝謂秀才上上

已下遞降一等至中上第從八品下明經降秀才三等進士明法甲第從九品上乙第降一等若本蔭高者秀

才明經上第加本蔭四階已下遞降一等明經通二經已上每一經加一階及官人通經者後叙加階亦如之

凡孝義旌表門閭者有以勞考謂由外六品已下四考出身從九品上叙滿皆中中考者因選進

一階每二中上考又進兩階每一上下考進兩階若兼有下考得以上考除之有除免而復叙

者皆循法以申之無或枉冒謂官人犯除名限滿應叙者文武三品已上奏聞正

四品於從七品下叙已上通降一等從五品於從八品上叙六品七品從九品上叙八品九品從九品下叙若

出身品高於此
法者仍從高

凡應入三品五品者皆待別制而進之

不然則否

謂應入三品者皆須先在四品已上官仍限三十考已上本階正四品上無痕累者奏聽

進用應入五品者皆須先在六品已上官及左右補闕
殿中侍御史太常博士詹事司直京兆河南太原府判
司皆限十六考已上本階正六品上伎術官本司無六
品官類任三政七品者仍限二十考已上並所司勘責
訖上中書門下重勘訖
然後奏聞別制以授焉
凡文武百僚之班序官同者先

爵爵同者先齒

謂文武朝參行正二王後位在諸王侯
上餘各依官品為序致仕官各居本色

之上若職事與散官勳官合班則文散官在當階職事
者之下武散次之勳官又次之官同者異姓為後若以
爵為班者亦準此其男已上任文武官者從文武班若
親王嗣王任卑官職事者仍依三品郡王在三品以下

聽事者在同階品上同外無文武官者嗣王在太子太保下郡王次之國公在正二品下郡公在從三品下縣公在正四品下侯在從四品下伯在正五品下子在從五品下男在正六品下若前官被召見及預朝參者在本品見任上非召見者在同品下其在本司參集者各依職事文散官三品已上在京者正冬朝會依日官

凡京司有常參官

謂五品已上職事官八品已上供奉官員外郎監察御史太常博士供

奉官

謂侍中中書令左右散騎常侍黃門中書侍郎奉議大夫給事中中書舍人起居郎起居舍人通事

舍人

左右補闕拾遺御史大夫諸司長官長官若勅喚

御史

中丞侍御史殿中侍御史諸司長官

諸司長官及賜者開府儀同三司特進光祿大夫太子賓客尚書左右丞相諸司侍郎中書門下五品已上官

御史中丞並同長官例若別賜物中書門下官正三品準二品四品準三品五品準四品同中書門下平章事

並同中書門

下正三品

清望官

謂內外三品已上官及中書黃門侍郎尚書左右丞諸司侍郎并太

常少卿祕書少監太子少詹事

四品已下八品已上清

左右庶子左右率及國子司業

官

四品謂太子左右諭德左右衛左右千牛衛中郎將左右副率率府中郎將五品謂御史中丞諫議大夫

給事中中書舍人贊善大夫太子洗馬國子博士諸司

郎中祕書丞著作郎太常丞左右衛郎將左右率府郎

將六品謂起居郎舍人太子司議郎舍人諸司員外郎

侍御史祕書郎著作佐郎太常博士詹事丞太子文學

國子助教七品左右補闕殿中侍御史太常博士詹事

司直四門博士太學助教八品左右拾遺監察御史四

門助每日以六品已上清官兩人待制於衙內

若供奉官宿衛

官不在

凡授左右丞相侍中中書令六尚書已上官聽

此例

進讓其四品已上清望官才職相當不應進讓

按舊制御史大

夫六尚書已上要官皆進讓臣林甫等伏以為進讓之禮朝廷所先兩省侍郎及南省諸司侍郎左右丞雖在四品職居清要亦合讓也凡職事官應覲省及移疾不得過程謂身

有疾病滿百日若所親疾病滿二百日及當侍者並解

官申省以聞

其應侍人才用灼然要藉驅使者令帶官侍養

年七十以上應致

仕若齒力未衰亦聽釐務

若請致仕五品已上皆上表聞六品以下申尚書省奏聞

凡官人身及同居大功已上親自執工商家專其業皆

不得入仕風疾使酒不得任侍奉之官凡内外官清白

著稱強幹有聞若上中則中書門下改授

清白等稱皆須每在有使

狀一清考詞二清經三任為第一等兩任為二等一任為第三等其都督刺史既無考詞每使狀有一清字亦

準任數為等第強幹有聞科等第亦準此其科等第一等同清白第二等五品已上量加進

改六品已下至冬選量第加官若第二等三等人五品

已上改日優之六品已下不待秩滿聽選加優授焉其

嶺南黔中三年一置選補使號為南選

應選之人各令所管勘責具言

出身由歷選數作簿書預申省所司具勘曹名考第造歷子印署與選使勘會將就彼銓注訖然後進中以聞

凡天下官吏各有長員

開元二十三年勅以為諸色補署頗多繁冗停廢諸司監署府

十餘所減冗散官三百餘員其見在員數已具此書
各冠列曹之首或未該者以其繁細亦存乎令式 凡

諸司置直皆有定制

諸司諸色有品直吏部二人兵部
三人考功職方庫部戶部度支駕

部比部一人門下省明法一人能書二人裝潢一人刑
部明法一人弘文館學直四人造供奉筆二人造寫御
書筆二人裝書一人揭書一人修史管裝書一人中書
省明法一人能書四人裝制敕一人翻書譯語十人乘
驛二十人集賢院能書六人裝書十四人造筆四人太
理寺明法二人太常寺三十人光祿寺十人鴻臚寺譯
語并計二十人金銀作一人漆作一人太府太僕衛尉
司農寺各三人沙苑監一人少府監十四人將作監五
十人殿中省尚食局尚藥局各十人尚乘局二十人尚
輦局三人尚舍局四人尚衣局一人秘書省圖書一人
丹青五人造筆一人太史監五人國子監明五經一人
文章兼明史一人崇文館揭書一人內侍省一百人內

坊四人僕寺十人家令寺七人教坊二十人總監十四人軍器監四人龍右六使學課一十二人太原府監牧使使學課二人外官宜考者選同京官其前官及常選人每年任選若散官三銜勲官直諸司者每年與折一番

內外官吏則有假寧之節

謂元正冬至各給假七日寒食通清明四日八月十

五日夏至及臘各三日正月七日十五日晦日春秋二社二月八日三月三日四月八日五月五日三伏日七月七日十五日九月九日十月一日立春春分立秋秋分立夏立冬每旬給休假一日五月給一日于端午節授衣假分為兩番各十五日私家祔廟各給假二日四時祭各四日父母在三十里外三年一給定省假三十日五日五百里五年一給拜掃假十五日並除程五品已上並奏開冠給三日五服內親冠給假一日不給程婚嫁九日除程周親婚嫁五日大功三日小功一日不給程齋衰周給假三十日塋三日除服二日小功五月給

假十五日墓二日除服一日總麻三月給假七日墓及
除服皆一日周已上親皆給程若聞喪舉哀並三分減
一私忌給假一日忌前之夕聽選行李之命凡別勅差
五品已上請假出境皆吏部奏聞行李之命使事務繁
劇要重者給判官二人每判官并使及副使各給典二
人非繁劇者判官一人典二人使及副使各給典一人
四品已上清望官別給孔目官一人凡吏部差使各循
其次若員外郎及鴻臚太府司農將作少府軍器等監
寺丞及押當兵馬倉庫園厨苑囿
邑司伎術當作等官皆不在差限

簿書景跡功賞殿最具員皆與員外郎分而理焉郎中
一人掌小選凡未入仕而吏京師者復分為九品通謂
之行署其應選之人以其未入九流故謂之流外銓亦

謂之小銓其校試銓注與流內銓畧同

謂六品已下九品已上子及州

縣佐吏若庶人參流外選者本州量其所堪送尚書省

其在吏部兵部考功都省

御史臺中書門下是謂前行要望目為七司其餘則曰

後行閒司

謂流外轉遷者始自府寺而起授七司者以為非次長安中畢構奏而革之應入省者先

授閒司及後行經兩考方轉入七司便為成例

凡擇流外職有三一曰書二曰

計三曰時務其工書工計者雖時務非長亦叙限三事

皆下則無取焉每經三考聽轉選量其才能而進之不

則從舊任

其考滿有授職事官者有授散官者舊則郎中專知小銓開元二十五年校銓試訖應留

放皆尚書侍郎定之

員外郎一人掌選院謂之南曹

其曹在選曹之南故謂之

南曹

每歲選人有解狀籍書資歷考課必由之以覈其實

乃上三銓其三銓進甲則署焉

員外郎一人掌曹務凡當曹之事無巨細皆與郎中分

掌焉應簡試如貢舉之制

隋齊郎隸太常則禮部簡試開元二十五年隸宗正其太

廟齊郎則十月下旬宗正申吏

部應試則帖論語及一大經

司封郎中一人從五品上

北齊置主爵郎中一人隋文帝為主爵侍郎煬帝改為主

爵郎武德初為主爵郎中龍朔二年改為司封大夫咸亨元年復故光宅元年改為司封郎中神龍元年復故

開元二十四
年復為司封

員外郎一人從六品上

隋文帝置煬帝改為主爵承務郎武德初為主爵員外郎龍朔

咸亨光宅神龍
間並隨曹改復

主事二人從九品上

司封郎中員外郎掌邦之封爵凡有九等一曰王正一品
食邑一萬戶二曰郡王從一品食邑五千戶三曰國
公從一品食邑三千戶四曰郡公正二品食邑二千戶
五曰縣公從二品食邑一千五百戶六曰縣侯從三品

食邑一千戶七曰縣伯正四品食邑七百戶八曰縣子

正五品食邑五百戶九曰縣男從五品食邑三百戶

五等

之爵蓋始於黃帝其傳言置左右大監監於萬國書堯典云協和萬邦又云輯五瑞即五等諸侯所執玉也夏殷已上其制難詳至周則云列爵惟五分土惟三始有封國大小之制戰國之時又有雜號封君謂商君平原君等秦又立二十等爵以當軍功漢置王侯二等其二十等爵亦存亦有君謂稷嗣奉春等後漢又有鄉亭侯之號魏氏五等皆以鄉亭多假空名不食本邑及司馬宣王誅曹爽封舞陽侯至晉復五等之制宋齊之後或置或廢亦不常也隋氏始立王公侯以下制度皇朝因之然戶邑率多虛名其言食實封者乃得真戶舊制戶皆三丁已上一分八國開元中定皇兄弟皇子皆封國制以三丁為限租賦全入封家

謂之親王親王之子承嫡者爲嗣王皇太子諸子並爲郡王親王之子承恩澤者亦封郡王諸子封郡公其嗣王郡王及特封王子孫承襲者降授國公諸王公侯伯子男若無嫡子及罪疾立嫡孫無嫡孫以次立嫡子同母弟無母弟立庶子無庶子立嫡孫同母弟無母弟立庶孫曾玄已下亦同此無後者國除凡名山大川及畿內縣皆不得以封至郡公有餘爵聽回授子孫其國公皆特封焉凡內命婦之制貴妃淑妃德妃賢妃並爲夫

人皆正一品昭儀昭容昭媛克儀克容克媛並為嬪正

二品婕妤九員正三品美人九員正四品才人九員正

五品寶林二十七員正六品御女二十七員正七品采

女二十七員正八品

按黃帝有四妃帝嘗亦然帝堯因之蓋象后妃四星其一明者為正

妃餘三小者為次妃至舜不告而娶不立正妃但三妃而已謂之三夫人夏后氏增以三三而九合十二人春秋說云天子娶十二人即夏制也禮記曰古者天子立六宮三夫人九嬪二十七世婦八十一御女以聽天下之內理此蓋以象三公九卿之數則殷制也周官曰九嬪掌婦學之法至漢初有夫人美人及姬之號武帝制婕妤姁娥容華克衣各有爵位元帝加昭儀之號凡十四等光武乃存貴人才人之號晉諸公贊曰舊制貴嬪

夫人比三公假金紫淑媛淑儀修容修儀婕妤容華充
華為九嬪比九卿假銀青後魏孝文改定內官各有視
品宋齊梁陳北齊後周多依古制或有增損事則不
經隋氏定制則依周官之制皇朝因之為百二十一人皇

太子良娣二員正三品良媛六員正四品承徽十員正

五品昭訓十六員正七品奉儀二十四員正九品

漢書曰太

子有妃有良娣有孺子妻妾三等歷代因之至宋明帝更為
太子置內職二等有保林郎齊建元中太子宮置三內職良
娣比開國侯保林比五等侯才人比駙馬都尉隋初定制也皇朝因之

外命婦之制皇姑封

大長公主皇姊妹封長公主皇女封公主皆視正一品

皇太子之女封郡主視從一品王之女封縣主視正二

品

公羊傳曰天子將嫁女於諸侯必使同姓諸侯主之故曰公主詩曰何彼穠矣美王姬也雖則王姬而下

嫁於諸侯車服不繫於其夫下王后一等漢家公主所食曰邑諸王女曰翁主亦曰王主後漢皇女皆封縣公主儀服同列侯尊崇者加號為長公主來亦爵車馬與諸侯同兩漢皆列侯尚主自魏晉已來尚主皆拜駙馬都尉晉宋以來皇女皆封郡公主王女皆封縣主

王母妻為妃一品及國公母妻

為國夫人三品已上母妻為郡夫人四品若勳官二品

有封母妻為郡君五品若勳官三品有封母妻為縣君

散官並同職事勳官四品有封母妻為鄉君其母邑號

皆加太字各視其夫及子之品若兩有官爵者皆從高

若內命婦一品之母爲正四品郡君二品母爲從四品

郡君三品四品母並爲正五品郡君凡婦人不因夫及

子而別加邑號夫人云某品夫人郡君爲某品郡君縣

君鄉君亦然

古者諸侯之妻邦人稱之曰夫人亦曰小君春秋傳曰惠公元妃孟子則妃及夫人

郡君縣君鄉君之號皆起於此漢高祖封蕭何夫人爲

鄭君景帝封王皇后母曰平原君後漢安帝封乳母王

聖爲野王君獻帝封董卓母爲池陽君晉封盧潭母孫

氏武昌侯太夫人加金章紫綬太康元年封羊祜夫人

爲鄉君孝武時哀帝外祖母高安鄉君進封宣城郡廣

德君宋高祖母蕭氏初封豫章國太夫人姜臧氏爲國

夫人晉令式云郡公侯太夫人中人銀印青綬佩水蒼

玉宋齊之後多用其制至隋氏始定品格皇朝因之

凡庶子有五品已上官封皆封嫡母無嫡母即封所生
母凡二王後夫人職事五品已上散官三品已上王及
國公母妻朝參各視其夫及子之禮凡親王孺人二人
視正五品媵十人視正六品嗣王郡王及一品媵十人
視從六品二品媵八人視正七品三品及國公媵六人
視從七品四品媵四人視正八品五品媵三人視從八
品降此已往皆為妾

古者諸侯一娶九女其嫡者為夫人餘為姪娣孺人及媵蓋因此

凡皇家五等親及諸親三等存亡升降皆立簿籍每三

年一造除附之制並載於宗正寺焉

司勳郎中一人從五品上

周官有司勳上士二人凡有功者司勳詔之後周夏官有司勳上士一人掌六勳之

賞隋文帝立司勳侍郎二人煬帝改為司勳郎武德初為司勳郎中龍朔元年改為司勳大夫咸亨二年復故

員外郎二人從六品上

隋文帝置煬帝改為司勳承務郎皇朝復為司勳員外郎龍朔咸亨

光宅神龍並

隨曹改復

主事四人從九品上

司勳郎中員外郎掌邦國官人之勳級凡勳十有二等

十二轉為上柱國比正二品

柱國楚官也項梁為楚上柱國又陳嬰為上柱國又

蔡賜為上柱國至西魏之末始置柱國用旌戎秩時龐
西郡公李諱廣陵王元欣趙郡公李弼河內郡公獨孤
信南陽公趙貴常山公子謹彭城公侯莫陳崇與周太
祖為八柱國至後周建德四年初置上大將軍上開府
儀同三司開府儀同三司上儀同三司儀同三司上柱
國柱國之秩以賞勤勞始以齊王憲蜀公尉遲迥為上
柱國是也隋高祖受命又採後周之制置上柱國為從
一品柱國為正二品上大將軍從二品大將軍正三品
上開府儀同三司從三品開府儀同三司正四品上儀
同三司從四品儀同三司正五品大都督正六品帥都
督從六品都督正七品總十一等以酬勤
勞皇朝改以勲轉多少為差以酬勤秩
十一轉為柱

國比從二品

戰國時楚有柱國昭陽楚漢之際共敖為柱國也

十轉為上護軍

比正三品九轉為護軍比從三品

秦有護軍都尉漢高祖以陳平為護軍中

尉盡護諸將文帝時韓安國為護軍將軍平帝元始元年更名護軍都尉為護軍魏武帝以牽招為中護軍將軍晉中護軍將軍護軍將軍等並銀章青綬武冠絳朝服品第四宋齊梁陳並有護軍將軍中護軍之職梁武廬江置鎮蠻護軍武陵置安遠護軍皇朝採之為勲官品職

八轉為上輕車都尉比

正四品七轉為輕車都尉比從四品

漢武帝以公孫賀為輕車將軍漢又

有輕車校尉梁陳後魏北齊隋皆有輕車將軍

六轉為上騎都尉比正五品五

轉為騎都尉比從五品

漢武帝置騎都尉漢書云拜李陵為騎都尉更始時諡曰爛羊

冒騎都尉晉宋齊梁陳隋並有其名

四轉為駢騎尉比正六品三轉為飛

騎尉比從六品二轉為雲騎尉比正七品一轉為武騎

尉比從七品

隋文帝置驍騎飛騎雲騎武騎尉為文散階皇朝採為勲品

凡有功效

之人合授勲官者皆委之覆定然後奏擬

凡征鎮勲未授身亡者其

勲依例加授其餘汎勲未授身亡者不在叙限

考功郎中一人從五品上

漢官儀曹郎二人掌天下歲盡集課有尚書郎曹有考功

郎中一人宋齊並置功論郎中梁有秩論侍郎並考功郎中之任也北齊有考功郎中隋文帝置考功侍郎煬帝改為考功郎皇朝改為考功郎中龍朔二年改為司績大夫咸亨元年復故

主事三人從九品上

考功郎中之職掌内外文武官吏之考課凡應考之官皆

具錄當年功過行能本司及本州長官對衆讀議其優劣定為九等考第各於其所由司準額校定然後送省

内外文武官量遠近以程限之有差

京師百僚九月三十日已前校定十

月一日送省外官去京一千五百里內八月三十日三千里內七月三十日五千里內五月三十日七千里內

三月三十日萬里內正月三十日已前校定

其外官附朝集使送簿至

省流內流外官考前釐務不滿二百日者不考每年別勅定京官位望高者二人其一人校京官考一人校外官考文定給事中中書舍人各一人

其一人監京官考一人監外官考郎中判京官
考員外判外官考其檢覆同者皆以功過上
使京官則集應考之人對讀注定外官則對
朝集使注定訖各以奏聞其親王及中書門下
與京官三品已上外官五大都督並以功過狀
奏聽裁凡考課之法有四善一曰德義有聞二曰清
慎明著三曰公平可稱四曰恪勤匪懈善狀之外有
二十七最一日獻可替否拾遺補闕為近侍之最二曰

銓衡人物擢盡才良爲選司之最三日揚清激濁褒貶
必當爲考校之最四曰禮制儀式動合經典爲禮官之
最五曰音律克諧不失節奏爲樂官之最六曰決斷不
滯與奪合理爲判事之最七曰部統有方警守無失爲
宿衛之最八曰兵士調集戎裝克備爲督領之最九曰
推鞠得情處斷平允爲法官之最十曰讎校精審明於
判定爲校正之最十一曰承旨敷奏吐納明敏爲宣納
之最十二曰訓導有方生徒克業爲學官之最十三曰

賞罰嚴明攻戰必勝爲將帥之最十四曰禮義興行肅清所部爲政教之最十五曰詳錄典正詞理兼舉爲文史之最十六曰訪察精審彈舉必當爲糾正之最十七曰明於勘覆稽失無隱爲勾檢之最十八曰職事修理供承強濟爲監掌之最十九曰功課皆克丁匠無怨爲役使之最二十曰耕耨以時收穫剝課爲屯官之最二十一曰謹於蓋藏明於出納爲倉庫之最二十二曰推步盈虛究理精密爲厯官之最二十三曰占候醫卜效

驗居多爲方術之最二十四曰譏察有方行旅無壅爲
關津之最二十五曰市鄺不擾姦濫不行爲市司之最
二十六曰牧養肥碩蕃息孳多爲牧官之最二十七曰
邊境肅清城隍修理爲鎮防之最一最已上有四善爲
上上一最已上有三善或無最而有四善爲上中一最
已上有二善或無最而有三善爲上下一最已上有一
善或無最而有二善爲中上一最已上或無最而有一
善爲中中職事粗理善最弗聞爲中下愛憎任情處斷

乖理爲下上背公向私職務廢闕爲下中居官諂詐貪濁有狀爲下下若於善最之外別可嘉尚及罪雖成殿情狀可矜雖不成殿而情狀可責者省校之日皆聽考

官臨時量定

諸官人犯罪負殿者計贖銅一斤爲一負公罪倍之十負爲一殿當上上考者雖有

殿不降此謂非私罪自上中已下率一殿降一等即公坐殿失應降若當年勞剡有異於常者聽減一殿內

外官從見在任改爲別官者其年考從後任申校其別校賜

考限當年附校如不及當年及當年無考於以次有考年限百司量其閒劇諸州掾

其上下進考之人皆有定限苟無其功不要充數功過

於限亦聽量進

諸食祿之官考在中上已上每進一等加祿一季中下已下每退一等奪祿一

季若私罪下中已下公罪下下並解見任奪當年祿追告身周年聽依本品叙

其流外官本司

量其行能功過立四等考第而勉進之

清謹勤公勘當明審為上居官

不怠執事無私為中不勤其職數有愆犯為下背公向私貪濁有狀為下下每年對定具簿上省其考下下者

解所

凡親勲翊衛皆有考第考第之中畧有三等

專勤謹慎

宿衛如法便習弓馬者為上番期不違職掌無失雖解

弓馬非是灼然者為中違番不上數有犯失好請私假

不習弓馬

諸衛主帥如三衛之考

凡統領有方部伍整肅清平謹恪武藝可

稱者為上居官無犯統領得濟雖有武藝不是優長者為中公不勤數有愆失至於用武復無可紀者為下

其監門校尉直長如帥之考

正色當官明於按察監當之處能肅察姦非者為上

居官不急檢校無失至於監察未是灼然者為中其謚

不勤其職數有愆違檢校之所事多踈漏者為下

議之法古之通典皆審其事以為不刊

諸職事官三品已上散官二品

已上身亡者其佐吏錄行狀申考功考功責歷任勳校下太常寺擬謚訖覆申考功於都堂集省內官議定然後奏聞贈官同職事無爵者稱子若蘊德丘園聲實明著雖無官爵亦奏賜謚曰先生

員外郎掌天下貢舉之職

開元二十四年敕以為權輕專令禮部侍郎一人知貢舉

然以舊職故復叙於此云

凡諸州每歲貢人其類有六一曰秀才二

曰明經三曰進士四曰明法五曰書六曰算其弘文崇

文生各依所習業隨明經進士例其秀才試方畧策五
條文理俱高者爲上上文高理平理高文平者爲上中
文理俱平爲上下文理粗通爲中上文劣理滯爲不第
此條取人稍峻
自貞觀後遂絕其明經各試所習業文注精熟辨明義

理然後爲通正經有九禮記左傳爲大經毛詩周禮儀
禮爲中經周易尚書公羊穀梁爲小經通二經者一大
一小若兩中經通三經者大小中各一通五經者大經
並通其孝經論語並須兼習

諸明經試兩經進士一經
每經十帖孝經二帖論語

八帖每帖三言通六已上然後試策周禮左氏禮記各
四條餘經各三條孝經論語共三條皆錄經文及注意
為問其答者須辨明義理然後為通通十為上上通八
為上中通七為上下通六為中上其通三經者全通為
上上通十為上中通九為上下通八
為中上通七及二經通五為不第 其進士帖一小經

及老子

皆經注
燕帖

試雜文兩首策時務五條文須洞識文

律策須義理愜當者為通

若事義有滯詞句不倫者為
下其經策全通為甲策通四

帖通六已上為
乙已下為不第

其明法試律令各一部識達義理問無

疑滯者為通

粗知綱例未究指歸者為不通所試律令
每部試十帖策試十條律七條令二條全

通者為甲通八以上
為乙已下為不第

其明書則說文六帖字林四帖

諸試

書學生帖試通記先口試不限條數疑則問之並通然後試策其明算則九章三帖海

島孫子五曹張丘建夏侯陽周髀五經等七部各一帖

其綴術六帖緝古四帖

錄大義本條為問答者明數造術辨明術理然後為通記遺三

等數讀令精熟試十得九為第其試綴術緝古者綴術七條緝古三條諸及第人並錄奏仍閑送吏部書算於

從九品下叙排

弘崇生雖同明經進士以其資蔭全高試亦不

拘常例

弘崇生習一大經小經者兩中經者習史記者漢書者東觀漢記者三國志者皆須讀文精熟

言音典正策試十道取粗解注義經通六史通三其試時務策者須識文體不失問目義試五得三皆兼帖考經論語

應簡齋郎準貢舉例帖試

太常解申禮部勘青共十條十月內送考功帖論

語及一大經
及第者奏聞

國子監大成二十員取貢舉及第人聰明

灼然者試日誦千言并口試仍策所習業十條通七然

後補充各授官依色令於學內習業以通四經爲通

其祿

俸賜會準非伎術直例給業成者於吏部簡試孝經論語共試八條餘經各試八條間日一試灼然明練精熟爲通口試十通九策試十通七爲第所加經者禮記左傳毛詩周禮各加兩階餘經各加一階及第者放選優與處分如不及第依舊任每三年一簡九年業不成者解退依常選例業未成年未滿者不得別選及充餘使若經事故應叙日還令覆上其先及第人欲加經及官人請試經者亦准此

唐六典卷二

欽定四庫全書

史部
唐六典卷三
四

詳校官監察御史臣劉芬

編修臣程嘉謨覆勘

總校官庶吉士臣倉聖脉

校對官檢討臣龔大萬

謄錄監生臣汪志伊

謄錄監生臣杜成

欽定四庫全書

唐六典卷三

唐

張九齡等
撰

尚書戶部

戶部尚書一人

侍郎二人

郎中二人

員外郎二人

主事四人

令史十七人

書令史三十四人

計史一人

亭長六人

掌固十人

度支郎中一人

員外郎一人

主事二人

令史十六人

書令史三十三人

計史一人

掌固四人

金部郎中一人

員外郎一人

主事三人

令史十人

書令史二十一人

計史一人

掌固四人

倉部郎中一人

員外郎一人

主事三人

令史十二人

書令史二十三

計史一人

掌固四人

戶部尚書一人正三品

周之地官卿也漢成帝置尚書五人其三日民曹主吏人上書

事後漢以民曹兼主繕修功作當工官之任魏置左民尚書晉初省之太康中又置惠帝時有右民尚書東晉及宋齊並置左民尚書梁陳並置左戶尚書並掌戶籍兼知工官之事後魏北齊有度支尚書亦左民右戶之任也後周依周官置地官府大司徒卿隋初曰度支尚書開皇三年改為民部皇朝因之貞觀二十三年改為戶部顯慶元年改為度支龍朔二年改為司元太常伯咸亨元年復為戶部光宅二年改為地官尚書神龍元年復故

侍郎二人正四品下

周之地官小司徒中大夫也漢以來尚書侍郎今郎中之任後周依

周官隋煬帝置民部侍郎皇朝因之貞觀二十三年改為戶部顯慶元年改為度支龍朔二年改為司元少常

伯咸亨光宅神

龍並隨曹改復

戶部尚書侍郎之職掌天下戶口井田之政令凡徭賦職貢之方經費賙給之算藏貨贏儲之准悉以咨之其屬有四一曰戶部二曰度支三曰金部四曰倉部尚書侍郎總其職務而奉行其制命凡中外百司之事由於所屬皆質正焉

郎中二人從五品上

周官司徒屬官有下大夫蓋郎中之任也漢尚書郎一人主戶口壘

田魏有左民郎曹西晉兼置右民郎曹東晉及宋齊唯有民部曹梁陳為左戶郎後魏為左戶曹郎北齊有左民郎曹隋初民部郎曹置侍郎二人煬帝除侍字皇朝為郎中貞觀二十三年改為戶郎顯慶為度支龍朔為司元大夫咸亨光宅神龍並隨曹改復

員外郎二人從六品上

周官司徒屬官有上士後周依焉蓋今員外之任也隋開皇六

年置民部員外郎煬帝改為民曹丞務郎皇朝改為民部員外郎貞觀顯慶龍朔咸亨光宅神龍並隨曹改復

主事四人從九品上

隋煬帝置

郎中員外郎掌領天下州縣戶口之事凡天下十道任

土所出而爲貢賦之差

其物產經不盡載並注下注舊額貢獻多非土物或本處不產

而外處市供或當土所宜緣無額遂止開元二十五年敕令中書門下對朝集使隨便條革以爲定準故備存

馬分十道以總之一曰關內道古雍州之境今京兆華

同岐邠隴涇寧坊鄜丹延慶監原會靈夏豐勝綏銀凡

二十有二州焉

其原慶靈夏延又管諸蕃落降者爲羈縻州

東拒河西抵隴

坂南據終南之山北邊沙漠

河歷銀綏延丹同華六州之界隴坂在隴州之西終

南山在京兆之南沙漢在豐勝二州之北

其名山有太白九峻吳山岐山梁

山秦華之嶽在焉

太白在京兆武功縣九峻在奉天縣吳山在隴州岐山在岐州梁山在同

州韓城縣華
嶽在華州

其大川有涇渭灞澧

涇水出涇州至京北入渭渭水出渭州歷

秦隴岐京兆周華六州入
于河灞澧並出京兆入渭

厥賦絹綿布麻

京兆同華岐四州調綿絹

餘州布麻開元二十五年敕開輔既寡桑桑每年庸調
並宜折納粟造米支用其河南河北不通水運州宜折

祖造絹以
替閭中

厥貢岱赭鹽山角弓龍鬚席蓂蓉野馬皮麝

香

京兆絮草席地骨白皮酸棗仁華州茯苓茯神細辛同州皺文吉莫皮岐隴涇寧鄜坊丹等州龍鬚席原

夏等州白氍夏州角弓鹽州鹽山會州馳褐靈州鹿角
膠岱赭花蓂蓉鵬翎靈州豐州野馬皮勝寧等州女猱

布邠州火筋剪刀革豆
漆豆丹延慶等州麝香

遠夷則控北蕃突厥之朝貢焉

二曰河南道古豫兗青徐四州之境今河南府陝汝鄭

汴蔡許豫潁陳亳宋曹滑濮鄆濟齊淄徐兗泗沂青萊

登密海凡二十有八州焉東盡於海西距函谷南瀕於

淮北薄於河

海水在青萊登密海泗六州之境函谷在虢州淮水出唐州歷豫潁亳泗四州之南

境黃河歷虢陝河南府鄭滑濮濟齊淄青十州之北境

名山則有三峭少室砥柱

蒙山嶧山嵩岱二嶽在焉

三峭在河南永寧縣界少室在登封縣砥柱在陝州河北

縣蒙山在沂州費縣嶧山在兗州鄒縣中岳嵩山在河南告成縣東岳泰山一名岱山在兗州乾封縣

川有伊洛汝潁沂泗之水平濟之瀆

伊出河南伊陽縣北流入洛洛出商

州上洛縣經虢州河南入河汝水在汝州潁水在潁州沂泗二水並出兗州淮水源在唐州桐柏縣濟水源在

河南濟源縣

厥賦絹絕綿布

陳許汝潁州調以絕綿唐州麻布餘州並以絹及綿

厥貢

紬絕文綾絲葛水蔥蓆心蓆菴石之器

鄭汴許陳毫宋曹濮鄆徐等州

絹汝州細絕陝潁徐三州細絕仙滑二州方紋綾豫州

鷄鵝綾雙絲綾著草荅子仁州綿兗州鏡花綾齊州絲

葛淄兗齊等州防風青州仙文綾鄭州麻黃許州蓆心

蓆登州水蔥蓆陝州枯萑根栢子仁曹州蛇牀子濟州

阿膠泗水賓布沂兗等州紫石英茱登密等州牛黃登

州文石器海砂密州布海州楚布萊州石器河南府菴

器

遠夷則控海東新羅日本之貢獻焉三曰河東道古

冀州之境今太原潞澤晉絳蒲號汾慈隰石沁儀嵐忻

代朔蔚雲

號州或屬河南

凡十有九州焉東距恒山西據河南

抵首陽太行北邊匈奴

恒山在太原之東河水經嵐石隰慈絳蒲六州之西境首陽在

蒲州南太行在澤州南

其名山則有雷首介山霍山崢山

雷首在蒲州介

山在汾州霍山在晉州崢山在代州一名五臺山

其大川有汾晉及丹沁之水

汾水出忻州歷太原汾晉絳蒲五州入河晉水出太原晉陽入汾丹水出澤州沁水出沁州歷晉絳澤三州至

懷南入河厥賦布禰

蒲州調以禰餘州並用麻布

厥貢麴扇龍鬚蓆墨蠟

石英麝香漆人參

大原龍骨甘草岩石漆鉄潞州墨人參花蜜兔絲子澤州白石英黔鷄禹

餘糧晉州蠟燭絳州防風蒲州龍骨竹扇號州硯瓦地骨白皮汾州石膏慈州蠟隰石二州胡女布晉汾二州龍鬚蓆儀澤潞等州人參嵐號忻等州麝香忻州豹尾代州熟青熟練朔代二州白鵬翎蔚州松子雲州鵬翎

四曰河北道古幽冀二州之境今懷衛相洺邢趙恒定

易幽莫瀛深冀貝魏博德滄棣嬀澶營平安東凡二十

有五州焉

其幽營安東各管羈縻州

東並于海南迫于河西距太行恒

山北通渝關薊門

海在棣滄幽平營五州之東河水經懷衛相魏博德棣七州之南境太行

在懷州北恒山在定州西渝關在平州東薊門在幽州北

其名山有林慮白鹿封龍

井陘碣石之山恒嶽在焉

林慮在相州西白鹿在衛州北封龍在趙州西井陘在恒

州西碣石在營州東恒山北岳在定州恒陽縣

其大川有漳淇呼池之水

漳水出潞

州歷相洺邢冀滄入海淇水出衛州與青水合歷魏貝德滄四州與漳水合呼池在定滄二州界亦與漳水合

厥賦絹綿及絲

相州調兼以絲餘州皆以絹綿

厥貢羅綾平細絲布絲

紬鳳翽葦蓆墨

恒州貢春羅孔雀等羅定州兩窠紬綾懷州子漆名博魏等州平細邢州瓷器

魏州綿細衛趙

莫冀等州綿瀛深冀德棣等州絹相州

紗鳳翽席胡粉

邢州絲布恒州羅定州細綾幽州范陽

綾貝州白氍

滄州葦蓆柳箱嬌營歸順等州麝香檀州

安東府人參

平州蔓荊子薊州鹿角膠易州墨蔚州墨

豹尾安東單

遠夷則控契丹奚靺鞨室韋之貢獻焉五

于野馬皮

曰山南道古荆梁二州之境今荆襄鄧商復郢隨唐峽

歸均房金夔萬忠

已上十六州為山南道

梁洋集通開壁巴蓬渠

涪渝合鳳興利閬果

已上西道

凡三十有三州焉東接荆楚

西抵隴蜀南控大江北據商華之山

江水自蜀歷渝涪忠萬夔歸峽荆八

州其名山有嶠冢熊耳巫峽銅梁荆山峴山

嶠冢在梁州金牛縣

熊耳在商州上洛縣巫峽在夔州巫山縣銅梁在合州石鏡縣荆山在襄州荆山縣峴山在襄州襄陽縣大

川則有巴漢沮洳之水

巴水在合州界入江漢水源出梁州金牛縣初名漾水壺名沔

水歷洋金均襄鄢荆復七州至荆州入於江沮水源出房州永清縣至荆州界入江清水出鄧州南入漢厥

賦絹布綿紬

梁利隨均荆襄雜有綿絹合州調以綿紬餘州並調以麻布

厥貢金漆

密蠟蠟燭鋼鉄芒硝麝香布交梭白穀紬紵綾葛綵綸

蘭干

利州貢金鋼鉄荆州交梭穀子方穀紋綾襄州漆隱起唐路貢鄧利果等州絲布裏均房商等州麝

香復郢開等州白紵隨州綾唐州絹峽州芒硝歸州紵
麻布金州麩金萬州金忠州蕪蕪席梁州支紅花洋州
白交梭壁巴達通忠渠等州綿細渠通合等州白藥子
通州絳香渠州買子木拜子涪州連頭獠布渝峽隨等
州葛合州牡丹皮閬州重暈綾襄州白穀鳳州蠟燭巴
州蘭干布房州紵襄州烏漆碎石文漆器白綸巾興鳳
州密蠟等

六日隴右道古雍梁二州之境今秦渭成武洮
岷疊宕河蘭鄯廓

已上隴右

涼甘肅瓜沙伊西北庭安西

已上

河凡二十有一州焉

其秦涼鄯洮北庭安西甘岷又管羈廩州

東接秦州西

逾流沙南連蜀及吐蕃北界朔漠

流沙在沙州已北連延數千里

其名

山有秦嶺隴坻西傾朱圉積石合黎崆峒三危鳥鼠同

穴秦嶺在秦州上邽縣隴城在清水縣西傾在洮州之西南朱圉在秦州伏羗縣積石在河州抱罕縣合黎

在甘州張掖縣崆峒在肅州福祿縣三危在沙州燉煌縣鳥鼠同穴在渭州渭源縣其大川則有

洮水弱水羗水

洮水出西羗中歷岷蘭二州界入河弱水在甘州剛丹縣羗水歷宕武文三州

界河瀆及休屠之澤在焉

河水歷廓河鄯蘭等州界休屠澤在涼州界

厥賦

布麻厥貢麩金礪石碁石蜜蠟蠟燭毛毳麝香白氎及

鳥獸之角羽毛皮革

廓宕二州貢麩金宕州散麝香沙州碁子肅州礪石成州武州蠟燭

洮州毛毳涼州毳布甘肅瓜涼等州野馬皮西州白氎瓜州吉莫皮伊州陰牙角胡桐律鄯州特羊角野馬皮

岷秦二州龍鬚席蜂牛尾鵬翎秦州芎藭肅州肉蓯蓉栢脉根瓜州草豉子北庭州連霍角陰牙角阿魏藏根

安西緋氈硃砂陰牙角狸狔
甘沙渭河蘭疊等州麝香

遠夷則控西域諸戎之貢

獻焉七曰淮南道古楊州之境今楊楚和滁濠壽廬舒

蘄黃沔安申光凡一十有四州焉東臨海西抵漢南據

江北距淮

海在楊楚二州東漢在沔州淮水經中光壽濠楚五州北境入海江水經沔黃蘄舒和楊

六州南境入海

其名山有八公濤大別霍山塗山

八公山在壽州

壽陽縣大別山在壽州霍山縣霍山一名天柱在舒州懷寧縣自漢以來為南岳隋文帝開皇七年以南衡山

為南岳廢霍山為名山羅山在申州塗山在濠州鍾離縣

其大川有滁肥之水巢湖

在焉

滁水源出廬州合肥縣巢湖在合肥巢二縣界

厥賦絕絹綿布

淮南道庸調雜有紵

質火麻等布壽州以絕布綿麻厥貢交梭紵締孔雀熟

安光二州調以絕絹申州綿絹

絲布青銅鏡揚州貢青銅鏡莞蓆細紵廬州交梭申光二州貢締紵葛楚州貢孔雀布和州紵練

滁沔二州麻質布蘄舒二州白紵布黃州紵質布烏蛇安州青紵布壽廬光等州生石斛壽州葛布廬州貢熟

絲布八曰江南道古楊州之南境今潤常蘇湖杭歙睦衢

越婺台溫明括建福泉汀

東道宣饒撫處洪吉郴袁江

鄂岳潭衡永道邵澧朗辰叙錦施南溪思黔費業巫夷

播溱珍凡五十有一州焉

黔中又管羈廬州

東臨海西抵蜀南

極嶺北帶江

海水在蘇杭越台溫括泉福八州之東江水經岳鄂江宣潤常蘇七州之北入海

其名山有茅山蔣山天目會稽四明天台括蒼縉雲金

華大庾武夷廬山而衡岳在焉

茅山在潤州延陵句容二縣界蔣山一名鍾山

在潤州江寧縣天目在杭州於潛縣會稽在越州山陰縣四明在餘姚縣天台在台州始豐縣括蒼縉雲皆在括州金華在婺州大庾在處州南康縣武夷在建州建安縣廬山在江州尋陽縣衡山在衡州湘潭縣其

大川有浙江湘贛沅澧之水洞庭彭蠡太湖之澤

浙江水有

三源一出歙州一出衢州一出婺州歷睦杭越三州界入海湘水出桂州湘源縣北流歷永衡潭岳四州界入洞庭贛水經處吉洪三州界入彭蠡沅水歷巫辰朗岳四州界入洞庭澧水源出澧州石門縣至岳州界入洞庭洞庭湖在岳州巴陵縣界彭蠡湖一名宮亭厥賦麻湖在江州尋陽縣界太湖在蘇常湖宣四州界

紵潤州調火麻餘厥貢紗編綾綸蕉葛練麩金犀角蛟

魚藤紙朱砂水銀零陵香潤州方棊水波綾常州紫綸

州白編睦越二州交梭衛琴二州藤紙綿越州吳綾建

州蕉練福州蕉海蛤泉括二州綿饒衛巫等州麩金犀

角洪撫潭永等州葛蘇州吳石脂吳蛇床子台州金漆

乾薑甲香江州生石斛鄂江二州銀永州石燕道州零

陵香澧州龜子綾五入簾郎州紵練辰錦二州光明砂

水銀溪錦二州朱砂常湖歙宣虔吉郴表岳道等州白

紵布施宣二州黃連宣州綺南州班布思默費

業漆珍等州蠟夷州蠟燭温台二州鮫魚皮

控五溪之蠻九曰劍南道古梁州之境今益蜀彭漢綿

劍梓遂晉資簡陵邛眉雅嘉榮瀘戎黎茂龍扶文當松

靜柘翼悉維嵩姚凡三十有三州焉

其黎戎瀘茂松嵩姚又管羈康州靜

柘翼悉維五州並管羈夷

東連牂牁西界吐蕃南接羣蠻北通劍閣

劍閣在劍州普安縣界今謂之劍門

其名山有峨眉青城鶴鳴岷山

峨眉在嘉

州青城在蜀州鶴鳴在蜀州晉源縣岷山在岷州岷南道之西北界

其大川有涪雒及西

漢之水江瀆在焉

涪水歷松龍綿梓遂合六州界入江雒水出漢州什方縣經益簡

入江西漢水歷利間果合江州界入江大江水自松州甘松嶺經翼茂彭蜀益陵眉嘉戎瀘十川之界入

山南

厥賦絹綿葛紵

瀘州調以葛紵等布餘州皆用絹綿及紵布

厥貢麩金

羅綾綿紬交梭彌牟布絲葛麝香羖羊羴牛角尾

益蜀二州

單絲羅益州高杆衫段彭州交梭簡州綿細漢州紵布
彌牟布綿州雙紉梓州遂州樗蒲綾戎晉瀘等州葛印
劍蕩等州絲布龍雅眉嘉資等州麩金姚茂扶靜文悉
松維當拓翼等州麝香釵州蘇薰席普州天門冬煎榮
州斑布黎州蜀椒龍州羚羊角當靜柘等州當歸羌
活松州狐尾悉州當歸犀牛尾維州犀牛尾姚州金遠
夷則控西河及羣蠻之貢獻焉十曰嶺南道古揚州之

南境今廣循潮漳韶連端康岡恩高春封辯瀧新潘雷

羅儋崖瓊振

已上廣府管內

桂昭富梧賀龔象柳宜融古嚴

已上

桂府管內容藤義實禺白廉繡黨牢嚴鬱林平琴

已上容府管內鬱林

平琴二州複名

邕賓貴橫欽潯潯籠田武環澄

已上邕府管內

安南驩

愛陸峯湯長福祿龐

已上安南管內
福祿州複名

凡七十州焉

其五府
又管羈

州東南際海西極羣蠻北據五嶺其名山有黃嶺及鬱

之水靈洲焉

黃嶺在廣州寶安縣靈洲
在廣州南海縣鬱水之中

其大川有桂水

鬱水

桂水出桂州臨源縣歷昭富梧三州界入鬱水
鬱水一名浪水歷藤梧封康端廣六州界入海厥

賦蕉紵落麻

廣州等調以紵布端州調蕉
布康封二州調以落麻布

厥貢金銀沉

香甲香水馬翡翠孔雀象牙犀角龜殼龜鱉絲藤竹布

融象二州貢金桂邑昭柳等五十餘州貢銀桂州銅盤

連州細布鍾乳崖欽二州高良薑廣州笠席生沉香水

馬甲香龜鼈皮藤簾廣州安南並貢龜殼酒振二州五

色藤盤振州斑布欽牢安南及潮州蕉安南檳榔鮫魚

皮翠毛愛龐等州孔雀尾驪州象牙藥犀角金箔黃屑
沉香漳潮等州鮫剝皮甲香韶州竹子布岡州甲香簷
糖香廣潮高循峯邵等州及安南蚶地膽春詔瀧廣等
州石斛雷州絲電富州班布石英蒙州麩金古州蠟容
州朱砂銀欽州翡翠毛陸州瑋瑁龜皮翠毛甲香峯州
豆蔻福祿邵二州白蠟福祿龐二州紫紺木昆州桂心
其遠夷則控百越及林邑扶南之貢獻焉凡天下之州

府三百一十有五而羈縻之州蓋八百焉京兆河南北
原爲三都潞揚益荆幽爲大都督府軍于安西安北爲
大都護府安南安東北庭爲上都護府涼秦靈延代充
梁安越洪潭桂廣戎福爲中都督府夏原慶豐勝營松

洮郡西雅瀘茂雋姚夔黔辰容邕爲下都督府同華岐

蒲爲四輔州

蒲新
升入

陝懷鄭汴魏絳爲六雄州

絳新
升入

號汝

汾晉宋許滑衛相洺爲十望州

汾新
升入

安東平營檀嬀蔚

朔忻安北單于代嵐雲勝豐鹽靈會涼肅甘瓜沙伊西

北庭安西河蘭鄯廓疊洮岷扶柘維靜悉翼松當戎茂

舊姚播黔驩容爲邊州四萬戶已上爲上州

陝汝號仙
澤邠隴涇

寧廓坊戶雖不
足亦爲上州

三萬戶已上爲中州不滿爲下州凡三

都之縣在城內曰京縣

奉先同
京城

城外曰畿縣又望縣有

八十五焉

同州馮用朝邑登成白水郃陽華州朗縣華陰下邽岐州雍縣扶風陳倉陝州陝縣桃林

硤石河北芮城虢州閿鄉湖城鄭州管城縣陽武新鄭
蒙澤汴州浚儀開封尉氏雍丘宋州宋城滑州酸棗充
州金鄉許州扶溝汝州梁縣僊州襄城蒲州河東桑泉
安邑虞鄉汾陰猗氏解縣絳州正平龍門夏縣聞喜翼
城晉州臨汾陰洞汾州隰城平進介休潞州上黨懷州
河內武德武陟獲嘉魏州貴鄉魏縣昌樂頓丘元城相
州韋陽洺州永年冀州信都南宮瀛州河間深州饒陽
益州成都蜀縣郫縣新繁彭州九龍蘄江蜀州晉原青
城漢州雒縣潤州曲阿江寧常州晉陵蘇州吳縣杭州
餘杭越州會稽婺州金華荊州江陵襄州襄陽揚州江
都揚

子其餘則六千戶已上爲上縣二千戶已上爲中縣

一千戶已上爲中下縣不滿一千戶皆爲下縣凡天下

之戶八百一萬八千七百一十口四千六百二十八萬

五千一百六十一

開元二十二年數

百戶爲里五里爲鄉兩京

及州縣之廓內分爲坊郊外爲村里及村坊皆有正以

司督察

里正兼課植農桑催驅賦役

四家爲鄰五家爲保保有長以

相禁約凡男女始生爲黃四歲爲小十六爲中二十有

一爲丁六十爲老每一歲一造計帳三年一造戶籍縣

以籍成于州州成于省戶部總而領焉

諸造籍起正月畢三月所須紙

筆裝潢軸帙皆出當戶內口別一錢計帳所須戶別一錢凡天下之戶量其資產定

爲九等

每三年縣司注定州司覆之然後注籍而申之于省

每定戶以仲年

子卯午酉

造籍以季年

丑辰未戌

州縣之籍恒留五比省籍留九比凡

戶之兩貫者先從邊州爲定次從開內次從軍府州若

俱者各從其先貫焉樂住之制居狹鄉者聽其從寬居

遠者聽其從近居輕役之地者聽其從重

畿內諸州不得樂住畿外

關

得住餘縣有軍府州不得住無軍府州

餘州其京城縣不辨天下之四人

使各專其業凡習學文武者爲士肆力耕桑者爲農工

作貿易者爲工屠沽販者爲商

工商皆爲家專其業以求科者其織紵組

糾之類
非也

工商之家不得預於士食祿之人不得奪下人

之利凡天下之田五尺爲步二百有四十步爲畝百畝

爲頃度其肥瘠寬狹以居其人凡給田之制有差丁男

中男以一頃

中男年十八已上
者亦依丁男給

老男篤疾廢疾以四十

畝寡妻妾以三十畝若爲戶者則減丁之半凡田分爲

二等一曰永業一曰口分丁之田二爲永業八爲口分

凡道士給田三十畝女冠二十畝僧尼亦如之凡官戶

受田減百姓口分之半凡天下百姓給園宅地者良口

三人已上給一畝三口加一畝賤口五人給一畝五口

加一畝其口分永業不與焉

若京城及州縣郭下園宅不在此例

凡給口

分田皆從便近居城之人本縣無田者則隔縣給受凡應收授之田皆起十月畢十二月凡授田先課後不課

先貧後富先無後少凡州縣界內所部受田悉足者爲寬鄉不足者爲狹鄉凡官人受永業田親王一百頃職事官正一品六十頃郡王及職事官從一品五十頃國公若職事官二品四十頃郡公若職事官從二品三十

五頃縣公若職事官正三品二十五頃職事官從三品
二十頃侯若職事官正四品十四頃伯若職事官從四
品十一頃子若職事官正五品八頃男若職事官從五
品五頃上柱國三十頃柱國二十五頃上護軍二十頃
護軍十五頃上輕車都尉一十頃輕車都尉七頃上騎
都尉六頃騎都尉四頃驍騎尉飛騎尉各八十畝雲騎
尉武騎尉各六十畝其散官五品已上同職事給其地並於
寬鄉請授亦任隔越請射蒞帥皆許傳之子孫不在此
授之限若未請受而身亡者子孫不合追請若襲爵者

祖父未請地其子孫
減初受封者之半

凡天下諸州公廨田大都督府四

十頃中都督府三十五頃下都督都護上州各三十頃

中州二十頃宮總監下州各十五頃上縣十頃中縣八

頃中下縣六頃上牧監上鎮各五頃下縣及中牧下牧

司竹監中鎮諸軍折衝府各四頃諸冶監諸倉監下鎮

上關各三頃互市監諸屯監上戍中關及津各二頃

津隸

都水則
不別給

下關一項五十畝中戍下戍嶽瀆各一項凡諸

州及都護府官人職分田二品一十二頃三品四品以

二項爲差五品至八品以一項爲差九品二項五十畝
鎮戍關津嶽瀆及在外監官五品五項六品三項五十
畝七品三項八品二項九品一項五十畝三衛中郎將
上府折衝都尉各六項中府下府以五十畝爲差郎將
各五項上府果毅都尉四項中府下府以五十畝爲差
上府長史別將各三項中府下府各二項五十畝親王
府典軍五項五十畝副典軍四項千牛備身備身左右
太子千牛備身各三項諸軍上折衝府兵曹各二項中

府下府各一項五十畝其外軍校尉一項二十畝旅帥

一項隊正副各八十畝

凡給公廨田若陸田限三月三十日稻田限四月三十日以前

上者並入後人以後上者入前人其麥田以九月三十日爲限若應給職田無地可克者率畝給粟二斗凡

賦役之制有四一曰租二曰調三曰役四曰雜徭

開元二十

二年敕以爲天下無事百姓徭役務從減省遂減諸司色役一十二萬二百九十四課戶每丁租

粟二石其調隨鄉土所產綾絹絁各二丈布加五分之

一輸綾絹絁者綿三兩輸布者麻三斤皆書印焉

若當戶不

成四端七綾者皆隨近合成其調麻每年支科有餘折一斤納粟一斗

凡丁歲役二旬

有閒

之年加無事則收其庸每日三尺

布加五分之一

有事而加役

者旬有五日止免其調三旬則租調俱免

通正役並不

凡

庸調之物仲秋而歛之季秋發於州租則准土收穫早

晚量事而歛之仲冬起輸孟春而納畢

江南諸州從水路運送之處若

冬月水淺上埭難者四月已後運送

本州納者季冬而畢凡諸國蕃胡內

附者亦定爲九等四等已上爲上戶七等已上爲次戶

八等已下爲下戶上戶丁稅銀錢十文次戶五文下戶

免之附貫經二年已上者上戶丁輸羊二口次戶一口

下戶三戶共一口

無羊之處准白羊估折納輕貨若有
征行令自備鞍馬過三十日已上者

免當年輸羊凡內附後所生
子即同百姓不得爲蕃戶也凡嶺南諸州稅米者上戶

一石二斗次戶八斗下戶六斗若夷獠之戶皆從半輸
輕稅諸州高麗百濟應差征鎮者並令免課役凡天下
諸州稅錢各有準常三年一大稅其率一百五十萬貫
每年一小稅其率四十萬貫以供軍國傳驛及郵遞之
用每年又別稅八十萬貫以供外官之月料及公廨之
用凡水旱蟲霜爲災害則有分數十分損四已上免租

損六已上免租調損七已上課役俱免若桑麻損盡者
各免調若已役已輸者聽免其來年凡丁新附於籍帳
者春附則課役並徵夏附則免課從役秋附則課役俱
免

其詐冒隱避以免課役不限附之早晚皆徵之

凡丁戶皆有優復蠲免之制

諸皇宗籍屬宗正者及諸親五品已上父祖兄弟子孫及諸色雜有職掌人

若孝子順孫義

夫節婦志行聞於鄉閭者州縣申省奏聞表其門閭同
籍悉免課役有精誠致應者則加優賞焉凡京畿克奉
陵縣及諸陵墓及廟邑戶各有差降焉橋陵盡以奉先

獻陵以三元昭陵以豐泉乾陵以奉天定陵以富平各
三千戶若獻祖懿祖二陵各置洒掃三十人興寧永康
二陵各置一百人恭陵亦如之隱太子及章懷懿德節
愍惠莊惠文惠宣等七陵各置三十人諸親王墓各置
十人諸公主墓各置五人周文帝隋文帝陵各置二十
人周隋諸帝陵各置十人皆取側近下戶充仍分作四番上下凡內外職
事葬者一品給營墓夫一百人以三十人爲差至五品
二十人人別後凡太山天齊王置守廟三百戶亳州玄

元皇帝廟置二十戶

其亳州每戶營田十畝以充祠祭等用

凡京司文武

職事官皆有防閣一品九十六人二品七十二人三品

三十八人四品三十二人五品二十四人六品給庶僕

十二人七品八人八品三人九品二人公主邑士八十

人郡主六十人縣主四十人特封縣三十四人

京官任兩職者

從多凡州縣官僚皆有白直二品四十人三品三十二人

四品二十四人五品十六人六品十人七品七人

七品佐官

六八品五人九品四人凡州縣官及在外監官皆有執

衣以爲驅使二品十八人三品十五人四品十二人五

品九人六品七品各六人八品九品各三人

執衣並以中男充

凡諸親王府屬並給士力其品數如白直

其防閑庶僕白直士力納

課者每年不過二千五百執衣不過一千文

凡州縣有公廨白直及雜職

其數

見州縣中

兩番上下執衣三番上下邊州無白直執衣者取

比州充凡有功之臣賜實封者皆以課戶充準戶數州

縣與國官邑官執帳共收其租調各準配租調遠近州

縣官司收其腳直然後付國邑官司其丁亦準此入國

邑者收其庸凡食封皆傳於子孫

食封人身沒以後所封物隨其男數爲分

承嫡者加與一分若子亡者即男承父分寡妻無男承夫分若非承嫡房至玄孫即不在分限其封物總入承嫡房一依上法爲分其非承嫡房每至玄孫準前停其應得分房無男有女在室者準當房分得數與半女雖多更不加雖有男其姑姊妹在室者亦三分
減男之二若公主食實封則公主薨乃停 凡庶人年

八十及篤疾給侍丁一人九十給二人百歲三人

皆先儘子

孫次取近親次取輕色丁

凡親王入朝皆給車牛馱馬

車牛六十乘馱馬一百匹

若大妃同來加車牛十乘馬二十匹別救追入給馬六十匹

內外百官家口應合通

送者皆給人力車牛

一品手力三十人車七乘馬十匹驢十五頭二品手力二十四人車

五乘馬六匹驢十頭三品手力二十人車四乘馬四匹
驢六頭四品五品手力十二人車二乘馬二匹驢四頭
六品七品手力八人車一乘馬二匹驢三頭八品九品
手力五人車一乘馬一匹驢二頭若別敕給過者三分
加一家口少者不要滿此
凡天下朝集使皆令都督刺
數無車牛處以馬驢代

史及上佐更爲之若邊要州都督刺史及諸州水旱成
分則使官代馬皆以十月二十五日至於京都十一月
一日戶部引見訖於尚書省與羣官禮見然後集於考
堂應考績之事元日陳其貢篚於殿庭凡京都諸縣令
每季一朝

度支郎中一人從五品

漢有度支侍郎郎中郎中之任也
歷魏晉宋齊後魏北齊並有度

支郎中梁陳隋爲侍郎煬帝但曰郎自漢魏以來皆度
支尚書領度支郎開皇三年改度支尚書爲民部尚書
始民部領之皇朝因焉武德三年加中字
龍朔二年改爲司度大夫咸亨元年復故

員外郎一人從六品

隋開皇六年置煬帝改曰承務郎
皇朝爲員外郎龍朔咸亨隨曹改

復

主事二人從九品上

度支郎中員外郎掌支度國用租賦少多之數物產豐

約之宜水陸道路之利每歲計其所出而支其所用

開元

二十二年敕諸司繁冗及年支色役費用既廣姦偽日滋宜令中書門下與諸司長官量事停減冗官及色役年支雜物等總六十五萬八千一百九十八官吏稍簡而費用省矣凡物之精者與地之

近者以供御

謂支納司農太府將作少府等物

物之固者與地之遠者

以供軍

謂支納邊軍及謂都督都護府

皆料其遠近時月衆寡好惡而

統其務焉凡陸行之程馬日七十里步及驢五十里車

三十里水行之程舟之重者泝河日三十里江四十里

餘水四十五里空舟泝河四十里江五十里餘水六十

里沿流之舟則輕重同制河日一百五十里江百里餘

水七十里

其三峽砥柱之類不拘此限若遇風水淺不得行者即於附近官司申牒上記聽以年功

轉運徵歛送納皆準程而節其遲速凡和市糴皆量其

貴賤均天下之貨以利於人凡金銀寶貨綾羅之屬皆

折庸調以造焉凡天下舟車水陸載運皆具爲腳直輕

重貴賤平易險澀而爲之制

河南河北河東關內等四道諸州運租庸雜物等腳

每駄一百斤一百里一百文山阪處一百二十文車載

一千斤九百文黃河及清水河并從幽州運至平州上

水十六文下水六文餘水上十五文下水五文從澧荆等

州至揚州四文具山陵險難驢少處不得過一百五十

文平易處不得下八十文其有人負處兩人分一駄其

用小船處并運向播黔等州及涉海各任本州量定

凡天下邊軍皆有支度之使以計軍實糧仗之用每歲

所費皆申度支而會計之以長行旨為準

支度使及軍州每年終各

具破用見在數申金部度支倉部勘會開元二十四年數以每年租耗雜支輕重不類令戶部修長行旨條五卷諸州刺史縣令改替日並令遞相交付者省司每年但據應支物數進畫頒行附驛遞送其支配處分並依旨文為定金部皆遞覆而行之

金部郎中一人從五品上

漢置尚書郎四人其一人主財帛委輸蓋金部郎曹之任

也歷魏晉宋齊後魏北齊並有金部郎中梁陳隋為侍郎煬帝但曰郎皇朝因之武德三年加中字龍朔二年改為司珍大夫咸亨元年復故

員外郎一人從六品上

隋開皇六年置煬帝改曰承務郎皇朝為員外郎龍朔咸亨隨

曹改

復

主事三人從九品上

金部郎中員外郎掌庫藏出納之節金寶財貨之用權
衡度量之制皆總其文籍而頒其節制凡度以北方秬
黍中者一黍之廣為分十分為寸十寸為尺一尺二寸
為大尺十尺為丈凡量以秬黍中者容一千二百為龠
二龠為合十合為升十升為斗三斗為大一斗十斗為

斛凡權衡以秬黍中者百黍之重爲銖二十四銖爲兩
三兩爲大兩十六兩爲斤凡積秬黍爲度量權衡者調
鍾律測晷景合湯藥及冠冕之制則用之内外官司悉
用大者凡庫藏出納皆行文傍季終而會之若承命出
給則於中書省覆而行之百司應請月俸則符牒到所
由皆逋覆而行之舊制京官有防閣庶僕給食雜用等
開元二十年敕以爲名目雖多料數
先定既煩案牘因此生姦自今以後合爲一色都
以月俸爲名其貯米亦合入祿數同申遂有恒式乃置
木契與應出物之司相合以次行用隨符牒而合之以

明出納之慎

金部置木契一百一十隻二十隻與太府寺合十隻與東都合十隻與九成宮合十

隻與行從太府寺合十隻行從金部與京金部合十隻行從金部與東都合二十隻與東都太府寺合二十隻東

都金部與

京金部合

凡有互市皆爲之節制

諸官私互市唯得用帛練蕃絲

分練一分蕃絲若蕃人須糴糧食者監司斟酌凡縑帛須數與州司相知聽百姓將物就互市所交易

之類必定其長短廣狹之制端匹屯綬之差焉

羅錦綾段紗縠

絕細之屬以四丈為匹布則五丈為端錦則六兩為屯絲則五兩為紵麻則三績為綬

凡賜物十

段則約率而給之絹三匹布三端綿三屯

貨布紵布蜀布各端春夏

以絲代綿若雜絲十段則絲布二匹從三品三百六十石正

四品三百石從四品二百六十石正五品二百石從五

品一百六十石正六品一百石下以十石爲差至從七

品七十石正八品六十七石下以五石爲差至從九品

五十二石外官降一等

應降等者正從一等各以五十石爲一等二品三品皆以三十

石爲一等四品五品皆以二十石爲一等六品七品皆以五石爲一等八品九品皆以二石五斗爲一等春

夏二季則春給之秋冬二季則秋給之

有閭者不別給

乃置木

契一百枚以與出給之司相合以決行用隨符牒內而

給之

倉部置木契一百隻三十隻與司農寺合十隻與太原倉監合十隻與永豐倉監合二十隻與東都

司農寺合二十隻行從倉部與京倉部令十隻與行從司農寺合

凡在京諸司官人及

諸色人應給倉食者皆給貯米

本司

據見在供養九品以

上給白米流外長上者外別給兩口糧諸牧尉給五口

糧牧長四口糧

兩口準丁餘準中男給

諸牧監獸醫上番日給衛

士防人以上征行若在鎮及番還并在外諸監關津番

官

上番日給

土人任者若尉史並給身糧諸官奴婢皆給公

糧其官戶上番充役者亦如之凡致仕之官五品已上

及鮮官充侍者各給半祿即遷官者通計前祿以充後數凡都之東租納於都之含嘉倉自含嘉倉轉運以實京之太倉自洛至陝運於陸自陝至京運於水量其遞

運節制置使以監充之

陸路從洛至陝分別量計十五文付運使於從路分為之遞應

須車牛任使司量運多少召雇情願者充以十月起運盡歲止

凡王公以下每年戶別

據已受田及借荒等具所種苗頃畝造青苗簿諸州以

七月已前申尚書省至徵收時畝別納粟二升以為義

倉

寬鄉據見營田狹鄉據籍徵若遭損四已上免半七已上全免其商賈戶無田及不足者上上戶稅五石

上中已下通減一石中中戶一石五斗中下戶一石下
上七斗下中五斗下下戶及全戶逃并夷獠薄稅並不
在取限半輸者準下戶之凡義倉之粟唯荒年給糧不
半鄉土無粟聽納雜種充凡常平倉所以均貴
得雜用及種有子皆申尚書省奏聞
賤今太府寺屬官有常平署開元二十四年敕常平之
法其來自久比者州縣雖存所利非廣京師輻輳浮
食者多今於京城內大置常平賤則加價收糴
使遠近奔委貴則終年出糴而永無匱乏也

唐六典卷三